

臨證指南醫案(三)



臨證指南醫案目

卷三

遺精

淋濁

陽痿

汗

脫

脾胃

木乘土

腫脹

無此病名

臨證指南醫案卷三

濟關李大瞻翰圃

古吳葉桂天士先生著 錫山華南田岫雲同較

邵銘新甫

遺精

陰虛陽

陳厥後吸短多遺議攝下焦

熟地 四錢

桑螵蛸 二錢

覆盆子 一錢

五味 一錢

湖蓮 三錢

芡實 二錢

扶神 三錢

山藥 二錢

某四夢遺精濁煩勞即發三載不痊腎臟精氣已虧相火

遺精

易動無制故精不能固由煩動而泄當填補下焦俾精充陽潛可以圖愈。

熟地 八兩

麥冬 二兩

茯神 二兩

五味 二兩

線膠 四兩

川斛膏 四兩

沙苑 二兩

遠志 一兩

芡實 三兩

湖蓮 三兩

金櫻膏丸

馬二陰虛體質常有夢泄之疾養陰佐以瀉劑仍參入通

藥可效。六味去丹澤加湖蓮芡實五味遠志秋石

金櫻膏丸

張陰精走泄陽失依附。上冒為熱坎水中陽不藏。古人

必以厚味填之介類潛之乃從陰以引陽與今人見熱



投涼不同。

熟地

龜甲

淡菜

青鹽

茯神

柏子仁

女貞子

山藥

旱蓮草

某二脈左弦右濡夢遺咳逆氣急。

熟地

麥冬

萸肉

五味

牡蠣

茯神

女貞子

山藥

湖蓮

川斛膏

芡實

金櫻膏

加蜜丸每服四五錢淡鹽湯下

楊

脈垂入尺有夢遺精議填陰攝固其下

熟地

萸肉

五味

山藥

茯神

覆盆子

遠志

線膠

湖蓮

芡實

金櫻膏丸鹽湯下

劉

先患目疾流淚嘈雜不欲食內鬱勃陽氣過動陰虛  
不主攝納春半連次遺泄腰脊酸楚皆肝腎病矣

此症與風快水宜

熟地

龍骨

萸肉

茯神

丹皮

湖蓮

芡實

遠志

某

勞損漏瘍大便時澹陰火上升下則遺滑

熟地

龜版

芡實

山藥

女貞

建連

炙草

穉豆皮

某

少年頻頻遺精不寐心嘈乃屬腎中有火精得熱而

妄行日後恐有腎消之累

焦黃柏

生地

天冬

茯苓

煨牡蠣

炒山藥

某

脈虛色白。陡然大瘦。平昔形神皆勞。冬至初陽動精。

搖下泄。加以夜坐不靜。養暴寒。再折其陽。身不發熱。時

時驚惕煩躁。從仲景亡陽肉瞤。例用救逆湯法。必得神

氣凝靜。不致昏瘖瘕癡之變。救逆湯去芍。

費

色蒼脈數。煩心則遺。陽火下降。陰虛不攝。有濕熱下

注。此固瀼無功。

陰虛濕熱

葶藶

黃柏

川連

遠志

茯苓

澤瀉

桔梗

苡仁



吳二病形在腎肝。但得瀉頭中痛微緩。少腹陰囊亦脹。想陰分固虛而濕熱留著。致腑經之氣無以承流宣化。理固有諸先泄厥陰鬱熱兼通腑氣再議。

龍胆草、胡黃連、葶藶、丹皮

茯苓、澤瀉

又閱病原是臟陰陰精之虧。致陽浮頭痛兼有遺精。月數發下虛上實。純以補瀉決不應病。性不耐丸劑。與通攝兩用。

龜版、秋石、熟地、女貞、遠志、芡實、湖蓮、茯苓、熬膏

諸症必須辨、氣血否則、亦甚公也、

錢二脈右弦左垂陰虛濕熱遺精瘡蝕

黃柏

知母

熟地

萆薢

茯苓

遠志

蜜丸

某夢遺病乃是陰氣走泄而濕熱二氣乘虛下陷墜白

腰中至囊環跳膝蓋諸處可見久遺八脈皆傷議用通

藥兼理陰氣 猪苓湯

又 熟地

五味

芡實

茯苓

湖蓮

山藥

宋二無夢頻頻遺精乃精竅已滑古人謂有夢治心無夢

治腎腎陰久損陽升無制喉中貯痰不清皆五液所化

下損及中兼治脾胃



胃納少而運遲固下必佐健中

人參 桑螵蛸 生龍骨 鎖陽 芡實

熟地 茯神 遠志 金櫻膏丸

華二神傷於上精敗於下心腎不交久傷精氣不復謂之

損內經治五臟之損治各不同越人有上損從陽下損

從陰之議然必納穀資生脾胃後天得振始望精氣生

於穀食自上秋至今日甚乃裏真無藏當春合泄越生

氣不至漸欲離散從來精血有形藥餌焉能驟然充長

攻病方法都主客邪以偏治偏閱古東垣丹溪輩於損

不肯復者首宜大進參朮多至數觔謂有形精血難生

世下知醫理之說

無形元氣須懸固耳。况上下交損。當治其中。若得中甦。加穀。繼參入攝納。填精斂神之屬。方今春木大泄。萬花盡放。人身應之。此一月中急挽勿懈矣。

參朮膏米飲調送

接進寇氏桑螵蛸散去當歸

此寧神固精收攝散亡。乃瀉以治脫之法。

又

半月來服桑螵蛸散以固下。參朮膏以益中。遺滑得

止。其下關頗有收攝之機。獨是晝夜將寢。心中諸事紛

此乃遺精之故

紛來擾。神傷散越。最難斂聚。且思慮積勞。心脾營血暗損。血不內涵。神乃孤獨。議用巖氏濟生歸脾方。使他臟

真氣咸歸於脾。今夏前土旺司令。把握後天。於理最合。  
歸脾湯

又立夏四日。診左脈百至餘。頗有斂聚之意。右關及尺。乳動若革。按臍下過寸。動氣似若穿梭。此關元內空。衝脈失養。而震躍不息。此女子胞胎。男子聚精之會也。大凡內損精血。形氣其胃旺納食者。務在滋填。今食減不納。假寐片晌。必煩驚惕。醒而汗自述。五心熱熾。四肢骨節熱痿如墮。明是陰精內枯。致陽不交。陰轉枯。轉涸。自下及中至上。前投桑螵蛸散。固澇精竅。遺滑經月不來。奈寢食不加。後天生氣不醒。膿厚填補。於理難進。卽參



聰明人易於轉  
悟若能刻刻加  
此自考其學必  
夏進矣

木甘溫益氣。又恐益其枯燥。宜參生脈以滋三焦。晨進  
人乳一杯。使氣血陰陽引之導之。迎夏至一陰來復。早  
用人乳一盞。隔湯燉熱服。午後略饑。用生脈四君子湯。  
又一月來。雖經反覆。參脈症形色。生陽頗有根蒂。近食  
蚕豆滯氣。腹中微膨。食後口味酸濁。是久臥重着。脾陽  
運動之機尚少。而火升心煩。動氣汗出遺精。雖減於昔。  
未得平復。總是內損已深。若調治合宜。只要精氣復得  
一分。便減一分病象。長夏脾胃主令。培土助納為要。而  
精氣散越。仍兼攝固之法。刻下味酸微膨。補脾少佐疏  
胃。宜晚進。其早上另製補攝丸劑。益臟真以招納散失。

華氏五次醫案  
功過相半學者  
能於此處細細  
分別學必大進

右弦胃氣所  
難復

之氣

晚服

人參

茯苓

白朮

炙草

廣皮

麥冬

五味

神麴

麥芽

炒黃柏

早上

人參

桑螵蛸

白龍骨

淡菴蓉

五味

芡實

茯神

棗仁

金箔

金櫻膏丸淡鹽湯送三四錢

又

形色有漸復之象較之夏至病去三四但診右脈弦

大尙少冲和左脈細促未靜穀進運遲有吞酸腹脹寐

中仍欲遺精此中焦之陽宜動則運下焦之陰固則能

守乃一定成法 午後服異功散加炒穀芽

晨服 遺症固瀉下焦。乃通套治法。想精關已滑。瀉劑不

能取效。必用滑藥引導。同氣相求。古法有諸。

牛骨髓 羊骨髓 猪脊髓 麋角膠 白龍骨

生牡蠣 熟地 萸肉 茯神 五味

山藥 芡實 湖蓮 遠志 砂仁

膠髓代蜜丸。晨服四錢。秋石二分。化水下。

毛二長夏暑濕熱鬱。都令脾胃受傷。色黃神倦。氣分自餒。

因有遺泄一症。在盛年陰虛為多。及詢納食未為強旺。

遺發必勞煩而來。脈象非數搏。議以養脾立法。

歸脾去黃芪桂圓加益智龍骨



治病立方必有  
妙義精思一味  
蟹補終有開  
之也

心腎兼

項

脈左弱右弦色黃食少腹脹便澹常有夢遺洩此非  
陰柔瀦膩可服用煦陽以涵陰

聖克絲子

覆盆子

蛇床子

五味子

韭子

益智仁

煨

補骨脂

龍骨

建蓮粉丸

陰精走泄陽不內依欲寐即醒心動震悸所謂氣因

精奪當養精以固氣從前煖藥不錯但不分剛柔為偏

陽是以見血莫見血投涼

龜版

去牆削光一兩

桑螵蛸殼

三人錢

人參

一錢

當歸

一錢

青花龍骨

三錢飛

抱木茯神

三錢

姚二始於念萌不遂其慾陽下墜而精洩先夢者心陽注

腎久則精血日損不充養筋骨為痛下損及中食不運  
化此非蕪地賦膈以及潛精可效 妙香散

許十陰氣走泄遺精務宜滋填塞固今納穀少而不甘胃

氣既弱滋賦先妨胃口議用桑螵蛸散蜜丸服三四錢

戈 遺精數年不但腎關不固陽明脈絡亦已空乏欲得

病愈宜戒慾寧心一年寒暑更遷陰陽漸交用桑螵蛸

散治之

顧十滑精用陰藥頓然食減藥先傷胃據述夢寐驚狂精

走無以護神當固無形矣

人參

生龍骨

桑螵蛸

益智仁



茯神

茯苓

遠志

木香

呂<sup>三</sup>有夢乃遺。是心有所觸而致經營操持。皆擾神動心。  
七說商賈客於外。非關酒色矣。妙香散

俞<sup>三</sup>壯年形質偉然。脈來乳虛。述心悸怔多。畏懼夜寐不  
七甚寧靜。此陽不易交於陰。過用勞心使然。用妙香散

張<sup>二</sup>形壯脈小。自述心力勞瘁。食減遺精。倣景岳精因氣  
四而奪。當養氣以充精。理其無形以固有形。妙香散

支<sup>二</sup>痰多鼻塞。能食有夢遺精。醫投疏泄。肺氣消痰。六十  
劑不効。問讀書夜坐。陽氣必升。充塞上竅。上盛下衰。寐  
則陽直降而精下注。爲遺。用補心丹

黃三一真陰損傷而五志中陽上燔喉痛下墜為遺精髓日耗骨痿無力必延枯槁而後已藥餌何足久恃

早服補心丹 晚服桑螵蛸散

胡遺精四年精關久滑不固陰久傷陽氣不入陽躄穴夜寤不寐前以鎮攝小效獨心中怔悸不已以桑螵蛸散從心腎治

畢二有夢遺精是心腎病清心固腎是為成法得以水火交合病當漸減內傷病從內起豈得與外來六氣混治

熟地 龍骨 遠志 五味 茯神

芡實 建蓮 金櫻膏丸

程 左脈剛堅。火升。神氣欲昏。片刻平復。宛若無病。此皆  
勞心五志之陽動。龍相無制。常有遺泄之狀。先用滋腎  
丸三錢。淡鹽湯送。

又 早服補陰丸。晚服三才加炒黃柏砂仁。

又 交霜降。絡中陡然熱蒸。肢節皆麻。火風震動。多因脾  
腎液枯。議用二至百補丸意。斑龍二至百補丸加黃柏  
林十診脈細澁。寐則遺精。心熱口渴。不時寒熱。此腎陰內  
損。心陽暗熾。補心丹三錢四服。

某 冬令煩倦。嗽加。是屬不藏。陽少潛伏。兩足心常冷。平  
時先夢而遺。由神馳致精散。必鎮心以安神。猶喜胃強。



納穀若能保養可望漸愈。

桑螵蛸

金櫻子

覆盆子

芡實

遠志

茯神

茯苓

龍骨

湖蓮

煎膏煉蜜收。饑時服七八錢。

楊十冲年遺精。知識太早。難成。易虧。真陰不得充。長及壯。盛未有生育。而久遺滑漏。褚氏謂難狀之疾者。蓋病傷。可復。精損難復也。診脈上動尺。孔。心動。神馳。神馳。精散。草木性偏焉。得見長務。宜斷慾百日。以妙香散。桑螵蛸。散。方理心脾。以交腎。固腎氣。以寧心。早晚並進。百日。以驗之。

攝腎氣不

呂二。成婚太早。精血未滿。久洩。必關鍵不攝。初則精腐。變

濁。久則元精滑溢。精濁之病。巢氏分晰。彰著。經言。腎虛

氣漫為脹。鹹為腎味。上溢口舌。皆下失攝納之權。

生兔絲子粉 蛇床子 覆盆子 陝沙苑子

家韭子 五味子 鯉魚膠丸

許九。脈虛。乳應。平失血遺精。先天既薄。更易泄少。藏正。褚

氏所云。難狀之疾。冲年須潛心靜處。真水火自交。可以

精固。莫但圖藥餌。須堅守。瞬刻強制之功。

鮮河車膏 九蒸熟地 五味 萸肉

山藥 湖蓮 砂仁 芡實 金櫻膏丸

李<sup>二</sup>脈小色白失血遺精屢發猶喜納穀胃安封藏固補。  
使其藏聚若再苦寒瀉火胃傷廢食坐以待困矣。

熟地

萸肉

五味

覆盆子

河車膏

生兔絲粉

山藥

湖蓮

茯苓

芡實

金櫻膏丸

某脈左部數有鋒芒。初夏見紅久遺滑入夜痰升肋痛。

肝陽上胃腎弱不攝固攝助納必佐涼肝。

熟地

湖蓮

芡實

生白龍骨

茯神

川石斛

章

脈數虛氣衝心熱噎咳失血屢因噴怒肝陽升則血

兼失血



湧墜則精遺。春末土旺。入夏正當發泄。主令暮熱晨汗。陰陽樞紐失固。議進攝真。其清寒肺藥須忌。

魚鱉膠

生龍骨

桑螵蛸

芡實

茯苓

五味

秋石

調入

陸一肌肉鬆柔。脈小如數。常有夢遺。陰精不固。上年冬令過溫。溫則腠理反疏。陽動不藏。諸氣皆升。絡血隨氣上溢。見症如頭面熱。目下肉瞤。心悸怔忡。四末汗出。兩足跗腫。常冷不溫。走動數武。卽吸短欲喘。何一非少陰腎氣失納。陽浮不肯潛伏之徵。况多夢紛擾。由精傷及神氣。法當味厚填精。質重鎮神。佐酸以收之。甘以緩之。勿

遺精之法固不外乎填精鎮心本無神妙方法俗醫往往用溫熱及粘膩等物必至傷人此者全不犯此但此症總有伏邪為患如火如痰如濕如風不能搜剔餘邪兼以和臟氣委曲

因血以投涼莫見下寒輒進燥熱恪守禁忌以安之經年冀有成功所慮冲年志慮未純貽憂反覆

水製熟地

人參

秋石拌

白龍骨

炒杞子

五味

炒山藥

茯神

牛膝炭

遺精一症前賢各有明辨其義各載本門茲不復贅

大抵此症變幻雖多不越乎有夢無夢濕熱三者之

範圍而已古人以有夢為心病無夢為腎病濕熱為

小腸膀胱病夫精之藏制雖在腎而精之主宰則在

心其精血下注濕熱混搖而遺滑者責在小腸膀胱

故先生於遺精一症亦不外乎寧心益腎填精固攝



治方無變病  
味安神填腎  
多未盡之理

清熱利濕諸法。如腎精虧乏。相火易動。陰虛陽冒。而  
爲遺精者。用厚味填精。介類潛陽。養陰固瀉諸法。如  
無夢遺精。腎關不固。精竅滑脫而成者。用桑螵蛸散。  
填陰固攝。及滑瀉互施方法。如有夢而遺。煩勞過度。  
及脾胃受傷。心腎不交。上下交損而成者。用歸脾湯。  
妙香散。參朮膏。補心丹等方。心脾腎兼治之法。如陰  
虛不攝。濕熱下注。而遺滑者。用黃柏。萆薢。黃連。苓澤  
等苦泄厥陰鬱熱。兼通腑氣爲主。如下虛上實。火風  
震動。脾腎液枯。而爲遺滑者。用二至百補丸。及通攝  
下焦之法。如龍相交。熾陰精走泄而成者。用三才封

髓丹。滋腎丸。大補陰丸。峻補真陰。承制相火。以瀉陰  
中伏熱爲主。又有房勞過度。精竭陽虛。寐則陽陷而  
精道不禁。隨觸隨泄。不夢而遺者。當用固精丸。升固  
八脈之氣。又有膏粱酒肉。飲醇厚味之人。久之脾胃  
釀成濕熱。畱伏陰中。而爲夢泄者。當用劉松石猪肚  
丸。清脾胃蘊蓄之濕熱。立法雖爲大備。然臨症之生  
心化裁存乎其人耳。鄒滋丸

無夢遺精。則固不因精衰滑脫而成者。用桑螵蛸。並  
服。其效。其其次。耳。聽。漸。眩。如有夢。而遺。精。身。過。皮。  
其。精。耗。胃。虛。黃。白。蒸。熾。立。止。藥。湯。水。論。然。則。滋。陰。  
精。液。散。離。留。於。中。而。逐。逐。將。昏。昏。亂。後。外。為。淋。想。  
皮。濕。後。尿。及。下。管。燥。結。肉。滑。精。氣。未。入。於。本。則。精。  
蘇。散。不。禁。調。職。訓。並。逐。逐。而。逐。逐。當。用。何。藥。以。滋。陰。  
精。液。然。意。注。文。亦。氣。後。後。後。氣。蘇。散。則。血。氣。相。相。相。  
謂。其。滋。習。快。天。精。氣。快。神。精。氣。則。不。歸。掛。以。以。以。以。



# 淋濁

濕熱

某三 濕熱下注淋濁當分利

萆薢

淡竹葉

瞿麥

赤苓

細木通

扁蓄

某二 濕熱下注溺痛淋濁先用分利法

萆薢

淡竹葉

木通

赤苓

茵陳

海金沙

魏

脈數垂淋濁愈後再發肛脹便不爽餘滴更盛

萆薢

猪苓

澤瀉

白通草

海金沙

晚蠶沙

丹皮

黃柏

又 滯濁下行痛緩議養陰通腑

阿膠

生地

猪苓

澤瀉

山梔

丹皮

毛三四壯盛體豐當夏令濕熱蒸迫水穀氣墜而有溼濁服

寒涼腹脹得固瀉無效皆非腑病治法 子和桂苓飲

又 前用甘露飲淋濁已止而頭暈左肢麻木胃脘腹中

饑則欲痛咽喉中似有物粘著咳咯咽飲不解診脈左

勁右濡據症是水弱木失滋涵肝陽化風過膈遠咽達

巔上乘胃土陽明脈衰不司束筋骨以利機關腕腹中

新刊

痛得食則緩者。胃虛求助也。今壯年有此。已屬疝中根。萌。養肝腎之液。以熄虛風。補胃土。以充絡脈。務在守常。勿圖速效。可望全好。

製首烏

菴蓉

天冬

杞子

柏子霜

茯神

菊花炭

青鹽

紅棗肉丸服四錢

晚服猪肚丸方

某膏淋濁。膩濕熱居多。然亦有勞傷腎傷。下虛不攝者。今以酒客。腹中氣墜。便積苦辛寒分消治。

黃柏

茯苓

葶藶

海金沙

川棟子

青皮

防己

蠶沙



陰虛濕熱

汪 脈左堅入尺。濕熱下墜。淋濁痛。 滋腎丸。

周二 便濁莖痛。 滋腎丸三錢。

吳二 久瘡不愈。已有濕熱。知識太早。陰未生成。早泄致陽。

光易升易降。牙宣齩血。為濁為遺。欲固其陰。先和其陽。

倣丹溪大補陰丸。合水陸二仙丹。加牡蠣金櫻膏丸。

黃 舌白氣短。胸中痛。目暗微淋。乃陰虛於下。氣阻於上。

暫停參劑。早上服都氣丸三錢。晚服威喜丸二錢。

葉三 脈數形瘦。素有失血。自覺氣從左升。痰嗽隨之。此皆

積勞。陽氣鼓動。陰弱少制。六味壯水和陽極是。近日便

濁。雖宜清熱。亦必顧其陰體為要。

生地 丹皮 甘草梢 澤瀉

山梔 黑豆皮

某 陰虛濕熱在腑為濁 六味去萸加車前牛膝黃柏

葶藶

某 遺由精竅淋在溺竅異出同門最宜分別久遺不攝

是精關不攝為虛但點滴莖中痛痒久腹堅滿此屬淋

閉乃隧道不通未可便認為虛况夏令足趾濕腐其下

焦先蘊濕熱熱阻氣不流行將膀胱撐滿故令脹堅議

理足太陽經 五苓散

某 四淋濁溺短瀆痛先通陽氣

下焦陽不流行



草薺 三錢  
烏藥 一錢  
益智 五分  
赤苓 三錢

遠志 四分  
琥珀末 五分

心火下陷

蕭四 脈沉淋濁。分清飲加山梔丹皮茯苓猪苓

某三 淋濁小便不利當清利火腑。導赤散生地用細者

加赤苓瞿麥

心熱下遺於小腸則為淋濁用藥以苦先入心而小腸火腑非苦不通也既已得效宗前議定法。

人參 黃柏 川連 生地 茯苓

茯神 丹參 桔梗 石菖蒲

王 淋屬肝膽濁屬心腎心火下陷陰失上承故濁濁不

禁。

人參

川連

生地

茯苓

柏子仁

遠志

氣閉

某氏  
氣閉成淋。

紫苑

枇杷葉

杏仁

降香末

瓜萘皮

鬱金

黑山梔

又 食入痞悶小便淋痛。照前方去紫苑黑梔加苡仁

膀胱熱  
血淋

某三 小溲短赤帶血。導赤散加琥珀末五分赤茯苓

胡三五 熱入膀胱小溲血淋莖中猶痛非止血所宜議用錢

氏導赤散加知柏以清龍雷。

許十八血淋尿管溺澀而痛脈沉實形色蒼黑治從臍熱。

蘆薈

山梔

郁李仁

紅花

當歸

酒大黃

龍膽草

丹皮

又血淋未已用堅陰清熱。

小生地

粉丹皮

黃柏

知母

淡竹葉

山梔

非血淋也

精濁陰虛

祝五中年已後瘦人陰虧有熱飲酒濕熱下墜精濁痔血。

皆熱走入陰則陰不固攝前方宗丹溪補陰丸取其介屬潛陽苦味堅陰若用固瀉必致病加

水製熟地

龜版膠

鹹秋石

天冬



茯苓

黃柏

知母

猪脊筋搗丸

范五二精走濁淋。脊骨生熱。屬陰虛。胃弱。勿用膩滯。

龜腹甲心

覆盆子

五味

歸身

鹿角膠

秋石

芡實

金櫻膏丸

腎氣不攝

戈四脈左細勁。腰痠溺有遺瀝。近日減穀難化。此下焦臟陰虛餒。漸及中焦腑陽。收納肝腎。勿損胃氣。

熟地

杞子

柏子仁

當歸身

紫衣胡桃

補骨脂

杜仲

茯苓

青鹽

蜜丸

某五六旬有五。下焦空虛。二便不爽。溺管痺痛。姑與腎氣

湯主治。腎氣湯細絹濾清服。

朱三六。血淋、管痛、腑熱為多。經月來。每溺或大便。其墜下更

甚。想陰精既損。腎氣不收。故也。

鹹菴蓉

柏子仁

杞子

大茴

牛膝

茯苓

非血淋方也

某

淋濁。經年。陽損腰痛。畏冷。

熟地

杞子

鹿角膠

巴戟

杜仲

柏子仁

湖蓮

芡實

敗精濁  
瘀阻竅

葉

七。淋屬肝膽。濁屬心腎。據述病。溺出渾濁如膿。病甚則

多。或因遺泄後。濁痛皆平。或遺後痛濁轉甚。想精關之

間。必有有形。敗精凝阻。其竅故。藥中清濕熱通腑。及固

瀉補陰久餌不效先議通瘀腐一法考古方通淋通瘀  
用虎杖湯今世無識此藥每以杜牛膝代之

用鮮杜牛膝根水洗淨搗爛絞汁大半茶杯調入真  
麝香一分許隔湯燉溫空心服只可服三四服淋通  
卽止他日後病發再服

又

淋病主治而用八正分清導赤等方因熱與濕俱屬  
無形腑氣爲壅取淡滲苦寒濕去熱解腑通病解若房  
勞強忍精血之傷乃有形敗濁阻於隧道故每溺而痛  
徒進清濕熱利小便無用者以溺與精同門異路耳故  
虎杖散小效以麝香入絡通血杜牛膝亦開通血中敗



濁也

此治淋血為淋之方

韭白汁九製大黃一兩

生白牽牛子一兩

歸鬚五錢

桂枝木三錢

炒桃仁二兩

小茴三錢

韭白汁法丸

李

敗精凝隧通瘀痺宣竅已效

生桃仁

杜牛膝

人中白

生黃柏

麝香

二分調入

徐四五五旬又四勞心陽動陰液日損壯年已有痔瘍腸中

久有濕熱酒性辛溫亦助濕熱熱下注為癰為淋故初

病投八正五苓疎氣之壅也半年不痊氣病漸入於血

絡考古方惟虎杖散最宜 虎杖散

張

丹溪謂五淋症濕熱阻竅居多三年前曾有是病月

前舉發、竟有血塊、窒塞尿管、大痛、不能溺出、想房勞強、忍敗精、離位、變成污濁、瘀腐、且少腹堅滿、大便秘、瀆臟、氣無權、腑氣不用、考瀕湖發明篇中有外甥柳喬之病、與此適符、今倣其義、參入朱南陽法、

下瘀血為淋

兩頭尖

川棟子

韭白

小茴

桂枝

歸尾

沖入杜牛膝根汁

又痛脹皆減、滴瀝成淋、前投通濁已效、只要疑塊全無、便不反覆、陰藥呆鈍、桂附劫液、通陽柔劑為宜。

菴蓉

歸尾

柏子仁

炒遠志

杞子

茯苓

小茴

當加入養血藥

馬淋、悶、屬肝膽居多。桂附劫陰，與剛臟不合。診脈沉瀝無力，非五苓八正可投。議用朱南陽法，仍是厥陰本方耳。

老韭根白一兩 兩頭尖一百粒 小茴香五分 川棟子肉一錢

歸鬚二錢 穿山甲末一錢

徐由淋痛漸變赤白濁，少年患此，多有慾心暗動，精離本宮，腐敗凝阻，溺竅而成。乃有形精血之傷，三年久病，形消肉減，其損傷已非一臟一腑。然補精充髓，必佐宣通為是。自能潛心安養，尚堪帶病延年。

熟地 生麋角 菝葜 炒遠志

此是眞



赤苓

牛膝

某

每溺尿管窒痛。溺後渾濁。敗精阻竅。濕熱內蒸。古方虎杖散。宣竅通腐甚妙。若去麝香。必不靈效。較諸湯藥更上一籌矣。

酒煨大黃

炒龍膽草

炒焦黃柏

牽牛子

川棟子

黑山梔

小茴

沉香汁

某

陰精上蒸者壽。陽火下陷者危。血淋久而成形。窒痛煩心。心火直升。老人陰精已憊。五液化成。敗濁阻竅。不通欲溺。必痛得泄。痛減。即痛則不通。痛隨利緩。之謂故知柏六味。及歸脾逍遙之屬。愈治愈劇。其守補升補滋

滯瀉藥。決不中病。用琥珀痛滅。乃通血利竅之意。然非久進之方。以不傷陰陽之通潤立方。

生地

益母草

女貞子

阿膠

琥珀

穉豆皮

奇脈病

顧二敗精。宿於精關。宿腐因溺強出。新者又瘀在裏。經年

累月。精與血並皆枯槁。勢必竭絕。成勞不治。醫藥當以任督衝帶調理。亦如女人之崩漏帶下。醫者但知八正分清。以濕熱治。亦有地黃湯益陰瀉陽。總不能走入奇經。

鹿茸

龜甲

當歸

杞子

此方不能通  
發精

茯苓

小茴

鮑魚

夏三案牘神耗過動天君陽燧直升直降水火不交陰精

變為腐濁精濁與便濁異路故宜利清解無功數月久

延其病傷已在任督凡八脈奇經醫每棄置不論考孫

真人九法專究其事欲涵陰精不漏意在升固八脈之

氣錄法參末

方不甚清楚

鹿茸

人參

生兔絲粉

補骨脂

韭子

舶茴香

覆盆子

茯苓

胡桃肉

柏子霜

蒸餅為丸

劉三脈緩瀉瀉後有血或間成塊晨傾瀉器必有膠濁粘



賦之物四肢寒凜納食如昔病傷奇脈

生鹿茸

當歸

杞子

柏子仁

沙苑子

小茴

此非治血淋之方

王

五悲憂驚恐內傷情志沐浴薰蒸外泄陽氣絡中不寧

八血從漏出蓋衝脈動而諸脈皆動任脈遂失擔任之司

下元真氣何以固納述小便欲出有痠楚如淋之狀診

脈微小澹最宜理陽通補用青囊斑龍丸

淋有五淋之名濁有精濁便濁之別數者當察氣分

與血分精道及水道確從何來大凡秘結宜通滑脫

當補若因心陽亢而下注者利其火臍濕熱甚而不

治淋之法有通  
有塞要當分別  
有瘀血積塞住  
弱管者宜先通  
無瘀積而虛滑  
者宜峻補不但  
煎丸各別并外  
治之法亦復多  
端宜博識而詳  
按之案中並未  
見及也

宣者徹其泉源氣陷用升陽之法血瘀進化結之方。此數端人所易曉也。獨不知厥陰內患其症最急少腹遠前陰如刺小水點滴難通環陰之脈絡皆痺氣化機關已息先生引朱南陽方法兼參李瀕湖意用滑利通陽辛鹹泄急佐以循經入絡之品豈非發前人之未發耶若夫便濁之恙只在氣虛與濕熱推求實者宣通水道虛者調養中州若虛實兩兼又有益臟通腑之法精濁者蓋因損傷肝腎而致有精瘀滑之分精瘀當先理其離宮腐濁繼與補腎之治精滑者用固補斂攝倘如不應當從真炁調之景岳謂

理其無形以固有形也。然此症但知治肝治腎而不知有治八脈之妙。先生引孫真人九法升奇陽固精絡使督任有權漏卮自己可見平日若不多讀古書而臨症焉知此理。若不經先生講明予今日亦不知此方妙處。又尿血一症虛者居多若有火亦能作痛當與血淋同治倘清之不愈則專究乎虛上則主於心脾下則從乎肝腎久則亦主於八脈大約與前症相同要在認定陰陽耳。

邵新甫



# 陽痿

徐三脈小數潛上熱火升喜食辛酸爽口上年因精滑陽痿用二至百補通填未效此乃焦勞思慮鬱傷當從少陽以條暢氣血

柴胡

薄荷

丹皮

鬱金

山梔

神麴

廣皮

茯苓

生薑

心腎不交

仲二三四旬以內而陽事不舉此先天稟弱心氣不主下交

於腎非如老年陽衰例進溫熱之比填充髓海交合心腎宜之

勞心過度

熟地 雄羊腎 杞子 補骨脂 黃節

遠志 茯苓 胡桃 青鹽 鹿筋膠丸

王五述未育子向衰莖縮凡男子下焦先虧客館辦事的

運神思心陽久吸腎陰用斑龍聚精茸珠含方

男子以八為數年逾六旬而陽事痿者理所當然也

若過此猶能生育者此先天稟厚所謂陽常有餘也

若夫少壯及中年患此則有色慾傷及肝腎而致者

先生立法非峻補真元不可蓋因陽氣既傷真陰必

損若純乎剛熱燥瀆之補必有偏勝之害每兼血肉

溫潤之品緩調之亦有因恐懼而得者蓋恐則傷腎

陽痿之病其症  
多端更僕難盡  
非專論數千言  
不明容易詳  
茲不復贅

恐則氣下治宜固腎稍佐升陽有因思慮煩勞而成者則心脾腎兼治有鬱損生陽者必從膽治蓋經云凡十一臟皆取決於膽又云少陽爲樞若得膽氣展舒何鬱之有更有濕熱爲患者宗筋必弛縱而不堅舉治用苦味堅陰淡滲去濕濕去熱清而病退矣又有陽明虛則宗筋縱蓋胃爲水穀之海納食不旺精氣必虛况男子外腎其名爲勢若穀氣不充欲求其勢之雄壯堅舉不亦難乎治惟有通補陽明而已

岫雲



幽雲

其文辭壯麗。其理深遠。其氣貫乎宇宙。其神遊乎萬古。其  
 聲震乎天地。其光耀乎日月。其功蓋乎宇宙。其德被乎萬  
 古。其化育乎天地。其造物乎萬物。其主乎日月星辰。其  
 司乎風雨雷霆。其運乎四時。其化乎萬物。其功蓋乎宇宙。  
 其德被乎萬古。其化育乎天地。其造物乎萬物。其主乎日  
 月星辰。其司乎風雨雷霆。其運乎四時。其化乎萬物。其  
 功蓋乎宇宙。其德被乎萬古。其化育乎天地。其造物乎萬  
 物。其主乎日月星辰。其司乎風雨雷霆。其運乎四時。其  
 化乎萬物。其功蓋乎宇宙。其德被乎萬古。其化育乎天  
 地。其造物乎萬物。其主乎日月星辰。其司乎風雨雷霆。

# 汗

衛陽虛

某二脈細自汗下體怯冷衛陽式微應然

黃芪 三錢

熟附子

七錢 熟於朮 半

炙草 五分

煨薑 一錢

南棗 三錢

既現汗症必兼  
汗治甚附應  
治陽虛之汗石  
陽盛之汗則  
有害

朱三脈微汗淋右脇高突而莢色痿足冷不食易飢食入

即飽此陽氣大傷衛不擁護法當封固

人參

黃芪

製川附子

熟於朮

孫五肉瞶筋惕心悸汗出頭痛愈畏風怕冷陽虛失護用

真武湯

某 勞傷陽虛汗泄。

黃芪 三錢 白朮 二錢 防風 六分 炙草 五分

此方不治陽虛之汗

顧氏勞力怫怒心背皆熱汗出往時每以和陽治厥陰肝臟得效今年春夏經行病發且食納頓減褚氏謂獨陰無陽須推異治通補既臻小效不必見熱投涼用鎮其陽以理虛。

人參 此為正方 半夏 茯苓 炙草

牡蠣 小麥 南棗

營衛虛

張五脈弦大身熱時作汗出良由勞傷營衛所致經云勞者溫之。



嫩黃芪 三錢

當歸 一錢

桂枝木 一錢

白芍 一錢

炙草 五分

煨薑 一錢

南棗 三錢

某二脈細弱自汗體冷形神疲痺知饑少納肢節痠楚病

在營衛當以甘溫

生黃芪

桂枝木

白芍

炙草

煨薑

南棗

某汗出寒凜真氣發泄痰動風生用辛甘化風法

生黃芪

桂枝

炙草

茯苓

防風根

煨薑

南棗

勞傷心神

梅三四案牘積勞神困食減五心汗出非因實熱乃火興元

氣熱不兩立。氣泄為熱。為汗當治在無形。以實火宜清。  
虛熱宜補耳。議用生脈四君子湯。  
需加牡蠣

胃陰虛

方 茹素惡腥。陽明胃弱致厥陰來乘。當丑時澱然汗出。

少寐多夢。

人參 龍骨 茯神 棗仁 炒白芍

炙草 煎藥吞送蒸熟五味子三十粒

又 鎮攝汗止。火升咳嗽。仍屬陰虛。難得充復。育陰滋液

為治。

熟地炭 人參 炒麥冬 五味 炒萸肉

川斛 茯神 女貞子 接服瓊玉膏方

出總由于心  
不寧屬熱者  
多屬寒者少今  
諸方皆用補陽  
治法乃一偏之  
見皆由不知汗  
出之液在何經  
也候人多矣。  
亡陽之汗乃陽  
氣飛越下焦空  
虛此乃危急之  
症非參附不能  
回陽與自盜等  
大不相同醫者  
全然不知并為  
一病貽誤無窮

經云陽之汗以天地之雨名之。又云陽加於陰謂之汗。由是推之是陽熱加於陰津散於外而為汗也。夫心為主陽之臟凡五臟六腑表裏之陽皆心主之以行其變化故隨其陽氣所在之處而氣化為津亦隨其火擾所在之處而津泄為汗。然有自汗盜汗之別焉。夫汗本乎陰乃人身之津液所化也。經云汗者心之液又云腎主五液故凡汗症未有不由心腎虛而得之者。心之陽虛不能衛外而為固則外傷而自汗。非陽虛乃陽越也不分寤寐不因勞動不因發散溱溱然自出由陰蒸於陽分也。腎之陰虛不能內營而退藏則內傷而盜



汗盜汗者即內經所云寢汗也。睡熟則出。醒則漸收。

由陽蒸於陰分也。故陽虛自汗。治宜補氣以衛外。陰

虛盜汗。治當補陰以營內。如氣虛表弱自汗不止者。

仲景有黃芪建中湯。先賢有玉屏風散。如陰虛有火。

盜汗發熱者。先賢有當歸六黃湯。柏子仁丸。如勞傷

心神氣熱汗泄者。先生用生脈四君子湯。如營衛虛

而汗出者。宗仲景黃芪建中湯。及辛甘化風法。如衛

陽虛而汗出者。用玉屏風散。芪附湯。真武湯。及甘麥

大棗湯。鎮陽理陰方法。按症施治。一絲不亂。謂之明

醫也。夫復奚愧。鄒滋九

此湯不以止汗

此是五陽之方

# 脫

陽脫

陳遺尿。目瞑口開。面亮汗油。陽飛欲脫。無藥力挽。擬參

附湯法。加入童便。圖元真接續耳。

又子丑為陰陽交界之時。更逢霜降。正不相續。後現脫

象。進兩攝陰陽方。參附湯加五味子

又陽回汗止神甦。無如陰液欲涸。心熱渴飲。姑救胃汁。

人參 麥冬 五味 茯神 建蓮

又腎真未全收納。便溺自遺。無如咽燥喉痛。陽雖初回。

陰氣欲盡。難進溫熱之補。大意收攝真陰為治。

此案共五方皆似是非而非故病情反覆歷歷不爽今特指明之後之學者宜審焉蓋陽脫者非無陽也乃陽氣上越而不肯附于陰也故欲止其汗必用陰藥以維繫之如直武湯為亡陽之祖方必重用白芍此義顯然今純用陽藥已屬一偏又不知即用納陰之藥以致心熱渴飲又用麥冬五味以收火氣入于肺

陰陽並虛

人參

麥冬

五味

熟地炭

茯神

遠志炭

菖蒲根

又胃虛客氣上逆為呃噫痰帶血腥咽中微痛用鎮攝

法。

人參

熟地

北味

茯神

青鉛

周脈革無根左尺如無大汗後寒痙頭巔痛躁渴不寐

此屬亡陽平昔飲酒少穀回陽辛甘未得必達有乾嘔

格拒之狀真危如朝露矣勉議仲景救逆湯收攝潰散

之陽冀有小安再議治病救逆湯加參附

此是解中症

徐

恰交第七日鼾聲呵欠目瞑煩躁診脈微細而促此



中尤為大犯咽  
燥喉痛有由來  
矣又不知急清  
肺胃仍用生藥  
熟地補塞上焦  
呃噫血腥邪火  
不降陰氣不承  
遂成敗症非難  
鑿可證者乎觀  
此一案則此老  
于亡陽一症亦  
皆耳食之學耳

脫之名惟陽氣  
驟越陰陽相離  
汗出如油六脈  
垂絕一時急迫  
之症方名為脫  
至于病久病深

皆一氣不相接續衰脫之徵最速是清神熄風方法難  
以進商急固根蒂倣河間地黃飲

熟地

尚有風痰豈宜峻補

附子

茯苓

萸肉

杞子

遠志

菖蒲

川斛

黃

腎脈不得上繫肝風突起掀旋呵欠鼾聲口噤汗出

陰陽不續危期至速地黃飲子極是

熟地炭

萸肉炭

川斛

天冬

淡茯苓

牛膝炭

五味

遠志

茯神

飲子煎法

凌

脈大不斂神迷嚙語陰陽不相交合為欲脫之象救

陰無速功急急鎮固陰陽冀其甦息

元氣已憊病勢垂危理宜峻補望有轉機此則凡病將死之時無不盡然不得名脫所列諸藥皆係將死之候不得入于脫期

人參

茯苓

阿膠

淮小麥

龍骨

牡蠣

又

陰液枯槁陽氣獨升心熱驚惕倏熱汗泄議用復脈

湯甘以緩熱充養五液復脈去薑桂加牡蠣

又

胃弱微嘔暫與養陽明胃津方

人參

炒麥冬

炒白粳米

茯苓

鮮蓮子肉 川斛

又

人參

秋石水拌烘

熟地炭

天冬

麥冬

茯苓

鮮生地

又

秋燥上薄嗽甚微嘔宜調本兼以清燥

人參 秋石水  
拌烘

麥冬

玉竹

生甘草

南棗

白粳米

非脫症

又

安胃丸

二錢

秋石拌人參湯送

某氏

脈如雀啄。色枯。氣促。身重如山。不思納穀。乃氣血大

虛。慮其暴脫。

不治之症

人參

生地

阿膠

麥冬

炙草

左牡蠣

又

補攝足三陰

人參

熟地炭

棗仁

茯神

五味

鮮蓮子肉



朱氏 久損不復。真氣失藏。交大寒節。初之氣厥陰風木主候。肝風乘虛上擾。氣升則嘔吐。氣降則大便。寒則脊內更甚。熱則神煩不寧。是中下之真氣杳然。恐交春前後有厥脫變幻。擬進鎮逆法。  
此防脫之方

人參 生牡蠣 龍骨 附子

桂枝木 生白芍 炙草

艾 自半月前寒熱兩日。色脈愈弱。食減寢少。神不自持。皆虛脫之象。議固之。瀉之不及理病。  
固澀即以治病治病不效固澀何必分途

人參 生龍骨 牡蠣 桂枝

炙草 南棗肉 宜加補血藥

脫是病象死是  
總名如下文之  
陽脫陰脫可補  
為陽死陰死耶

又 脈神稍安。議足三陰補方。

人參 砂仁末炒熟地 炒黑杞子

茯神 五味 牛膝炭

脫即死也。諸病之死皆謂之脫。蓋人病則陰陽偏勝。偏勝至極即死矣。人之生也。負陰抱陽。又曰。陰在內。陽之守也。陽在外。陰之使也。是故陰中有陽。陽中有陰。其陰陽樞紐自有生以至老死。頃刻不離。離則死矣。故古聖先賢創著醫籍。百病千方。無非為補偏救弊。和協陰陽。使人得盡其天年而已。夫脫有陰脫陽脫之殊。內經論之最詳。難經又言脫陽者見鬼。脫陰

者目盲。此不過言其脫時之情狀也。明理者須預為  
 挽救則可。若至見鬼目盲而治之。已無及矣。今觀先  
 生之治法。回陽之中。必佐陰藥。攝陰之內。必兼顧陽  
 氣。務使陽潛陰固。庶不致有偏勝之患。至於所脫之  
 症不一。如中風眩暈。嘔吐喘衄。汗多亡陽之類。是陽  
 脫也。瀉痢崩漏胎產下多亡陰之類。是陰脫也。痧脹  
 乾霍亂痞脹痙厥臟腑窒塞之類。是內閉外脫也。陽  
 脫於上。陰脫於下。即人死而魂升魄降之謂也。總之  
 陰陽樞紐不脫。病雖重不死。然則陰陽樞紐何在。其  
 在於命門歟。

華岫雲



# 脾胃

此篇治法獨得真傳

胃陰虛 錢 胃虛少納 土不生金 音低氣餒 當與清補。

不飢不納

麥冬

生扁豆

玉竹

生甘草

桑葉

大沙參

王 數年病傷不復不飢不納九竅不和都屬胃病陽土

喜柔偏惡剛燥若四君異功等竟是治脾之藥腑宜通

即是補甘濡潤胃氣下行則有效驗

麥冬 錢

火麻仁 錢

水炙黑小甘草 五分

生白芍 二錢

臨服人青甘蔗漿一杯

某二病後胃氣不甦。不飢少納。姑與清養。

鮮省頭草 三錢 白大麥仁 五錢 新會皮 一錢 陳半夏麴 一錢

川斛 三錢 烏梅 五分

某三脈瀉。體質陰虧偏熱。近日不飢口苦。此胃陰有傷。邪熱內熾。古稱邪火不殺穀是也。

金石斛 陳半夏麴 生穀芽 廣皮白

陳香豉 塊茯苓

虛肺胃陰 某 理肺養胃進以甘寒

甜杏仁 玉竹 花粉 枇杷葉

川貝 甜水梨汁

某脈數口渴有痰乃胃陰未旺

炒麥冬 生白扁豆 生甘草 白粳米

北沙參 川斛

陳知飢少納胃陰傷也

麥冬 川斛 桑葉 茯神 蔗漿

某胃陽受傷腑病以通為補與守中必致壅逆

人參 粳米 益智仁 茯苓

廣皮 炒荷葉

某食穀不化胃無火也

生白芍 厚朴 新會皮 益智仁

胃陽虛

臨證錄 脾胃



茯苓 砂仁

計三陽微痰黑食入不化

人參 生益智 桂心 茯苓神

廣皮 煨薑

高入脈稟小帶弦知飢不欲食晨起吐痰是胃陽不足宜

用外臺茯苓飲

又 人參 白朮 茯苓 廣皮

半夏 枳實皮 白茯苓 地栗粉

席三脈右濡臍上過寸有聚氣橫束幾年來食難用飽每

三四日一更衣夫九竅失和都屬胃病上腕部位為氣



分清陽失司。做仲景微通陽氣為法。

薤白 瓜蒌汁 半夏 薑汁

川桂枝 鮮薑蒲

某三脈濡自汗口淡無味胃陽憊矣。

人參 淡附子 淡乾薑 茯苓 南棗

王脈小右弦病屬勞倦飲食不和醫投柴葛雜入消導升表攻裏致汗泄三日腕中不饑全是胃陽大傷防有噦呃厥逆之變。此方可用多也。

生益智仁 薑汁 半夏 茯苓

丁香 炒黃米

孫長夏熱傷為瘧為痢。都是脾胃受傷。老年氣衰不肯自復。清陽不肯轉旋。腕中不得容納。口味痰吐不清。脈弦右濡。瀆下焦便不通調。九竅不和。都胃病也。此剛補不安。陽土不耐辛熱矣。議宣通補方。如大半夏湯之類。

大半夏湯加川連薑汁

又小溫中丸

錢二壯年肌柔色黯。脈小濡瀆。每食過不肯運化。食冷物。臍上即痛。色脈參合。病象是胃陽不旺。濁陰易聚。醫知臍陽宜通。自有效驗。

良薑

草果

紅豆蔻

厚朴



脾陽虛

生香附 烏藥

汪 舌灰黃、腕痺不饑、形寒怯冷、脾陽式微、不能運布氣

機、非溫通焉能宣達、

半夏

茯苓

廣皮

乾薑

厚朴

葶撥

周<sup>四</sup>脈象窒塞、能食少、運便澹、當溫通脾陽。

生白朮

一錢半

茯苓

三錢

益智仁

一錢

淡附子

一錢

乾薑

一錢

葶撥

一錢

又 溫通脾陽、頗適脈象、仍然窒塞、照前方再服二劑、如

丸方、當以脾腎同治著想、

吳 酒多穀少濕勝中虛腹痛便溏太陰脾陽少健

平胃合四苓加穀芽

脾胃陽虛

王十五素有痰飲陽氣已微再加悒鬱傷脾脾胃運納之陽愈憊致食下不化食已欲瀉夫脾胃為病最詳東垣當升降法中求之

人參

白朮

羌活

防風

生益智

廣皮

炙草

木瓜

張九俞加便溏胃醒脾不運也方藥當以太陰陽明是調

異功散加甘松益智

周二四脈緩弱腕中痛脹嘔湧清涎是脾胃陽微得之積勞

午後病甚，陽不用事也。大凡脾陽宜動則運，溫補極是。而守中及膩滯皆非，其通腑陽間佐用之。

人參

半夏

茯苓

生益智

生薑汁

淡乾薑

大便不爽間用半硫丸

朱陽微食後吞酸

茯苓

四兩

炒半夏

二兩

廣皮

二兩

生於朮

二兩

厚朴

一兩

淡乾薑

一兩

葶澄茄

一兩

淡吳萸

一兩

公丁香

五錢

水法丸

某二

脈弦食下臍脹大便不爽水穀之濕內著脾陽不主

賦運胃腑不能宣達疎脾降胃令其升降為要

金石斛

三錢

厚朴

一錢

枳實皮

一錢

廣皮白

半錢

濕傷脾

富登指南

脾胃

三



苦參 一錢

神麩 一錢半

茯苓皮 三錢

麥芽 一錢半

陳三厥陰三瘧半年。夏至節交。春木退舍。大寒熱而倏解。病傷未旺。雨濕蒸逼外臨。內受水穀不運。洞泄之後。而神倦食減。濕傷脾胃。清氣用東垣清暑益氣主之。

清暑益氣法

脾腎陽虛

洪姬

脈虛瀋弱。面乏淖澤。鼻冷肢冷。肌腠麻木。時如寒凜。微熱欲溺。大便有不化之形。穀食不納。此陽氣大衰。理進溫補。用附子理中湯。

中氣虛

趙三

七氣分本虛。衛少外護。畏風怯冷。冬天大氣主藏。夏季氣泄外越。此天熱煩倦一因也。是氣分屬陽。故桂附理

傷

食傷

陽頗投攻入味古稱腎氣有通攝下焦之功能使水液不致泛溢其中陰藥味厚為君乃陰中之陽藥施於氣虛未為中窳歷舉益氣法無出東垣範圍俾清陽旋轉脾胃自強偏寒偏熱總有太過不及之弊補中益氣加

麥冬北味 又 間服四君子湯

宜

三痛而納食稍安病在脾絡因饑餓而得當養中焦之營甘以緩之是其治法 歸建中湯

戈 小便短濇渾濁大便頻澀不欲納穀此傷食惡食也

當分消土

生益智

廣皮

茯苓

澤瀉

品登

三脾胃

美

炒白芍 炒山查

脾胃之論莫詳於東垣其所著補中益氣調中益氣升陽益胃等湯誠補前人之未備察其立方之意因以內傷勞倦爲主又因脾乃太陰濕土且世人胃陽衰者居多故用參芪以補中二尤以溫燥升柴升下陷之清陽陳皮木香理中宮之氣滯脾胃合治若用之得宜誠效如桴鼓蓋東垣之法不過詳於治脾而略於治胃耳乃後人宗其意者凡著書立說竟將脾胃總論卽以治脾之藥籠統治胃舉世皆然今觀葉氏之書始知脾胃當分析而論蓋胃屬戊土脾屬己



各言至論深得  
內經之旨此者  
必有傳授其學  
不爾未能如此  
深清也

土。戊。陽。已。陰。陰。陽。之。性。有。別。也。臟。宜。藏。腑。宜。通。臟。腑  
之。體。用。各。殊。也。若。脾。陽。不。足。胃。有。寒。濕。一。臟。一。腑。皆  
宜。於。溫。燥。升。運。者。自。當。恪。遵。東。垣。之。法。若。脾。陽。不。虧。  
胃。有。燥。火。則。當。遵。葉。氏。養。胃。陰。之。法。觀。其。立。論。云。納  
食。主。胃。運。化。主。脾。脾。宜。升。則。健。胃。宜。降。則。和。又。云。太  
陰。濕。土。得。陽。始。運。陽。明。陽。土。得。陰。自。安。以。脾。喜。剛。燥。  
胃。喜。柔。潤。也。仲。景。急。下。存。津。其。治。在。胃。東。垣。大。升。陽  
氣。其。治。在。脾。此。種。議。論。實。超。出。千。古。故。凡。遇。稟。質。木  
火。之。體。患。燥。熱。之。症。或。病。後。熱。傷。肺。胃。津。液。以。致。虛  
痞。不。食。舌。絳。咽。乾。煩。渴。不。寐。肌。燥。熇。熱。便。不。通。爽。此

九竅不和。都屬胃病也。豈可以芫朮升柴治之乎。故  
 先生必用降胃之法。所謂胃宜降則和者。非用辛開  
 苦降。亦非苦寒下奪。以損胃氣。不過甘平。或甘涼濡  
 潤。以養胃陰。則津液來復。使之通降而已矣。此義即  
 宗內經所謂六腑者。傳化物而不藏。以通為用之理  
 也。今案中所分胃陰虛。胃陽虛。脾胃陽虛。中虛。饑傷  
 食傷。其種種治法。最易明悉。余不參贅。總之脾胃之  
 病。虛實寒熱。宜燥宜潤。固當詳辨。其於升降二字。尤  
 為緊要。蓋脾氣下陷。固病。即使不陷。而但不健運。已  
 病矣。胃氣上逆。固病。即使不上逆。而但不通降。亦病矣。故

脾胃之治法與各門相兼者甚多。如嘔吐腫脹泄瀉。  
便閉不食胃痛腹痛木乘土諸證。尤宜並參互相討  
論以明其理可也。華岫雲

脾胃論



先生之用藥法之靈

善治亦非苦寒下劑以損胃氣不通甘平或甘淡

潤以養胃法則津液來復使之通降而已矣此義即

宗內經所謂六腑者傳化物而不藏以通為用之理

也今案中所有陰虛胃陽虛脾胃陽虛中虛陽虛

各證其理極治法最易明悉余不為贊揚之詞

竊以先生之藥法也

世間之藥法也

世間之藥法也

肝

# 木乘土

此是症不是病從古無此名也假如

火刑金燥傷腎亦可立一病名耶

某

肝厥犯胃入膈

半夏

薑汁

杏仁

瓜蒌皮

金鈴子

延胡

香豆豉

白蔻

鮑三情懷不適陽氣鬱勃於中變化內風掀旋轉動心悸

流涎麻木悉歸左肢蓋肝為起病之源胃為傳病之所

飲酒中虛便易溏滑議兩和肝胃

桑葉

炒丹皮

天麻

金斛

川貝

地骨皮

吳脈左數右濡氣塞心痛養胃平肝

半夏

茯苓

炒麥冬

柏子仁

川棟子

青橘葉

顧一脈五脈弦胃脘痺痛子後清水泛溢由少腹湧起顯是肝

厥胃痛之症

此是痰胃痛之病

吳萸五分

川棟子一錢

延胡一錢

茯苓三錢

桂枝木五分

高良薑一錢

某二脈左弦右濡中脘痛及少腹病在肝胃

川棟子

青皮

生香附

小茴

茯苓

南棗



某三 舌白惡心。液沫泛溢。病在肝胃。當通腸泄濁。

吳萸 七分 乾薑 一錢 薑汁 三分 茯苓 三錢 南棗 一枚

任三 此情志不遂。肝木之氣逆行。犯胃嘔吐。膈脹。開懷談

笑可解。凝滯血藥。乃病之對頭也。

延胡 川棟子 蘇梗 烏藥

香附 紅苳蔻

王四 胃脘痛高突而堅。嘔清涎。血沫滴水。不能下咽。四肢

冷。肌膚麻木。搥背脊痛。勢略緩。此屬肝厥犯胃。

開口吳萸 金鈴子 炒延胡 生香附

高良薑 南山查

此症最多必有蓄飲為患。徒治其氣。未必見效。

某脈左弦少寐氣從左升泄肝和胃。

生左牡蠣 五錢

川棟子肉 一錢

化州橘紅 一錢

茯苓 三錢

澤瀉 一錢

某脈緩左弦晨倦食減在土旺之候急調脾胃。

戊己湯去甘草加穀芽

程五曲運神機心多擾動必形之夢寐診脈時手指微震

食納痰多蓋君相動主消爍安穀不充形骸首宜理陽

明以制厥陰勿多歧也。

人參

枳實

半夏

茯苓

石菖蒲

某

通補陽明和厥陰。

人參

茯苓

半夏

高良薑

吳萸

生白芍

某四 肝逆犯胃。腕痛。腹鳴。氣撐至咽。

川棟子

桂枝木

淡乾薑

川椒

生白芍

吳萸

烏梅

茯苓

程五 操家煩動。嗔怒。都令肝氣易逆。乾嘔。味酸。木犯胃土。

風木動。乃晨泄。食少。形瘦。脈虛。先議安胃和肝。

人參

半夏

茯苓

木瓜

生益智

煨薑

華三 據說氣攻脇脹。春起秋愈。此內應肝木。飽食不和。肝



傳胃矣。

焦白朮

半夏

柴胡

枳實

生香附

廣皮

乾荷葉湯泛丸

毛

目微黃、舌黃、煩渴、脇肋板實、呼吸周身牽掣、起於煩

吐食物痰飲、即胸脘痛脹、此肝木犯胃、諸氣痺阻、雖平

昔宜於溫補、今治病宜通氣分。

半夏

一錢半

廣皮白

一錢

大杏仁

十粒

白蔻仁

八分

川棟子

一錢

炒延胡

一錢

生薑

五分

土瓜萋皮

一錢

又

心中懊惱、噎痛、氣分熱、痰未平、用溫膽法。

竹茹

一錢炒黃

炒半夏

一錢

茯苓

半錢

枳實

一錢

桔梗

八分

橘紅

一錢

生薑

三分

王三癰積是重著有質今痛升有形痛解無跡發於暮夜衝逆欲嘔不吐明是厥氣攻胃由惱怒強食氣滯紊亂而成病發時用河間金鈴子散兼以宣通陽明凝遏可愈。

金鈴子

延胡

半夏

瓜萸皮

山梔

橘紅

秦七二面長身瘦稟平木火之形氣阻腕中食少礙痛胃口為逆乃氣火獨熾之象忌用燥熱劫津治以平肝和胃。

降香

鬱金

山梔

橘紅

枇杷葉

蘇子

川貝母

薑皮

朱

<sup>五</sup>

半百已衰。多因神傷思慮。夏四月大氣發泄。遂加便

澹。長夏暑熱。無有不大耗氣分寒熱之來。乃本氣先怯。而六氣得以乘虛。今不思納穀之因。皆寒熱二氣擾逆。胃脘清真受戕。所以致困莫甦。不煩不渴。胃陽虛也。凡醒胃必先制肝。而治胃與脾迥別。古稱胃氣以下行為順。區區術甘之守。升柴之升。竟是脾藥。所以鮮克奏效。

人參

茯苓

炒麥冬

大麥仁

木瓜

烏梅

董

病久正氣已衰。喜熱惡寒。為虛診得左脈尚弦。病在



肝。但高年非伐肝平肝為事。議通補胃陽。

人參

茯苓

煨薑

新會皮

炒粳米

炒荷葉蒂

陸三咽屬胃。胃陰不升。但有陽氣薰蒸。致咽燥不成寐。衝

逆心悸震動如驚厥。陰內風乘胃虛。以上僭胃脈日虛。

肢肌麻木。當用十味溫膽。合秫米湯。通攝兼進。俾肝胃

陽和。可以痊安。

人參

茯苓

棗仁

知母

竹茹

半夏

黃色秫米

又用泄少陽補太陰法。六君去甘草加丹皮桑葉金

斛湯法丸

郭脈弦心中熱欲嘔不思食大便不爽乃厥陰肝陽順

乘胃口陽明脈絡不宣身體掣痛當兩和其陽酸苦泄

熱少佐微辛

此方用苦辛酸法最合經旨

川連

桂枝木

生牡蠣

烏梅

生白芍

川棟子

芮

前議肝病人胃上下格拒考內經諸痛皆主寒客但

經年累月久痛寒必化熱故六氣都從火化河間特補

病機一十九條亦然思初病在氣久必入血以經脈主

氣絡脈主血也此臟腑經絡氣血須分晰辨明投劑自

寒必化熱若淺學之人不能知也

方論新見

可入穀。更詢初病因驚。夫驚則氣逆。初病肝氣之逆。久則諸氣均逆。而三焦皆受。不特胃當其衝矣。謹陳緩急先後進藥方法。厥陰篇云。氣上撞心。飢不能食。欲嘔。口吐涎沫。夫木既犯胃。胃受尅為虛。仲景謂制木必先安土。恐防久尅難復。議用安胃一法。

人連

川棟子

川椒當小用

生白芍

烏梅

淡薑渣

歸鬚

橘紅

內經以攻病尅制曰勝方。補虛益體須氣味相生曰生方。今胃被肝乘。法當補胃。但胃屬腑陽。凡六腑以通為補。黃連味苦能降。戴元禮云。諸寒藥皆凝滯。惟

木乘土

聖



有黃連不凝滯有薑椒歸鬚氣味之辛得黃連川棟  
之苦倣內經苦與辛合能降能通芍藥酸寒能泄土  
中木乘又能和陰止痛當歸血中氣藥辛溫上升用  
鬚力薄其氣不升梅占先春花發最早得少陽生氣  
非酸斂之收藥得連棟苦寒內經所謂酸苦泄熱也  
以氣與熱俱無形無質其通逐之法迥異故辨及之

又

春分前七日診右脈虛弦帶滯左脈小弦勁而數胃  
痛已緩但常有畏寒鼓慄俄頃發熱而解此肝病先厥  
後熱也今歲陰厥司天春季風木主氣肝病既久脾胃  
必虛風木鬱於土宮營衛二氣未能流暢於經脈為營

此二方俱不中  
病有畏寒熱  
症當先和營

養護衛。此偏熱偏寒所由來矣。夫木鬱土位。古人制肝  
補脾。升陽散鬱。皆理偏就和為治。勿徒攻補寒熱為調。  
今春半天令漸溫。擬兩和氣血。佐以宣暢少陽太陰。至  
小滿氣煖泄越。必大培脾胃。後天方合歲氣體質調理。  
定春季煎丸二方。

人參

茯苓

廣皮

炙草

當歸

白芍

丹皮

桑葉

薑棗湯法丸

間用  
煎方

人參

廣皮

穀芽

炙草

白芍

黃芩

丹皮

柴胡

卜  
有年。冬藏不固。春木萌動。人身內應乎肝。水弱木失

此症屬痰飲  
方不切

滋榮陽氣變化內風乘胃為嘔攻脇為痛仲景以消渴  
心熱屬厥陰內經以吐涎沫為肝病肝居左而病熾偏  
右木犯土位之徵經旨謂肝為剛臟非柔不和閱醫藥  
沉桂黃連雜以破泄氣分皆辛辣苦燥有剛以治剛之  
弊倘忽厥逆慮凝奈何議鎮陽熄風法

生牡蠣

阿膠

細生地

丹參

淮小麥

南棗

又內風陽氣鼓動變幻皆有形無質為用太過前議鹹  
苦入陰和陽佐麥棗以和胃制肝獲效蓋肝木肆橫胃  
土必傷醫治既僻津血必枯唇赤舌絳咽乾穀味即變



酸膩顯是胃汁受劫胃陰不復夫胃為陽明之土非陰  
柔不肯協和與脾土有別故也。

生牡蠣

方不切

阿膠

細生地

小麥

炒麻仁

炒麥冬

炙草

張五脈小弦納穀腕中哽噎自述因乎悒鬱強飲則知木

火犯土胃氣不得下行所致議苦辛泄降法。

黃連

鬱金

香淡豆豉

竹茹

半夏

丹皮

山梔

生薑

又前方泄厥陰通陽明為衝氣吐涎腕痞不納穀而設  
且便難艱阻胸脹悶上下交阻有年最慮關格與進退

黃連湯

江晨起腹痛食穀微滿是清濁之阻按脈右虛左弦不思飲食脾胃困頓都屬虛象古人培土必先制木做以為法此症有痰飲不可補

人參

淡吳萸

淡乾薑

炒白芍

茯苓

周五酒熱濕痰當有年正虛清氣少旋遂致結秘不能容納食少自述多鬱易嘔議從肝胃主治

半夏

川連

人參

枳實

茯苓

薑汁

當用潤劑

王五噦逆舉發湯食青吐病在胃之上脘但不知起病之

因由據云左脇內結痕聚肝木侮胃明係情懷憂勞以致氣鬱結聚久病至頗能安穀非純補可知泄厥陰以舒其用和陽明以利其腑藥取苦味之降辛氣宣通矣。

川棟子皮 半夏 川連 薑汁

左牡蠣 淡吳萸

唐痞逆惡心是肝氣犯胃食入臥著痛而且脹夜寐不安亦是胃中不和貴乎平肝養胃致其復若見有形衝逆之狀攻代競進有痞滿成脹之患。

川連 神麴 吳萸 川棟子

查肉 鬱金



姚無此詩寒熱嘔吐脇脹腕痺大便乾澹不暢古云九竅不和

都屬胃病法當平肝木安胃土更常進人乳薑汁以益

血潤燥宜通午後議用大半夏湯

人參

半夏

茯苓

金石斛

廣皮

菖蒲

胡氏經後寒熱氣衝欲嘔忽又如饑仍不能食視其鼻準

亮欬汗氣短多藥胃傷肝木升逆非上焦表病

炙甘草方不甚切病

小生地

芝蔴仁

阿膠

麥冬

白芍

牡蠣

又照前方去牡蠣加人參

又衝陽上逆則煩不得安。仍是陰弱。夫胃是陽土。以陰為用。木火無制。都係胃汁之枯。故腸中之垢不行。既知陰虧。不必強動大便。

人參

鮮生地

火麻仁

天冬

麥冬

炙草

徐氏經候。適來肢骸若撒環口。肉潤蠕動。兩踝臂肘常冷。夫衝脈血下。躄維脈怯。不用衝隸。陽明厥陰對峙。因驚肝病。木乘土位。以致胃衰。初則氣升至咽。久則懶食。皖痞。昔人有治肝。不應當取陽明。陽明不闔。空洞若谷。厥氣上加。勢必嘔脹吞酸。然陽明胃腑。通補為宜。剛藥畏

經來之時而病  
狀如此總是血  
虛而肝風乘之  
宜用血藥

其劫陰少濟以柔藥法當如是。

人參 二錢

半夏

薑汁炒 三錢

茯苓

三錢

淡附子

七分

白粳米

五錢

木瓜

一錢

胃虛益氣而用人參非半夏之辛茯苓之淡非通劑  
矣少少用附子以理胃陽粳米以理胃陰得通補兩  
和陰陽之義木瓜以酸救胃汁以制肝兼和半夏附  
子之剛復此大半夏與附子粳米湯合方

張氏

肝病犯胃心痛乾嘔不能納食肢冷泄瀉腑經陽失

流展非虛寒也

金鈴子散加川連烏梅桂枝生薑

徐氏

屢屢墮胎下元氣怯而寒熱久嗽氣塞填胸湧吐涎



沫乃鬱勃嗔怒。肝膽內寄之相火風木內震不息。犯胃則嘔逆吞酸。乘胸侵咽。必張悶喉痺。漸漸昏迷欲厥。久延不已。為鬱勞之疴。此治嗽清肺重鎮消痰。越醫越凶。考內經肝病主治三法。無非治用治體。又曰治肝不應。當取陽明。蓋陽明胃土。獨當木火之侵侮。所以制其衝逆之威也。是病原治法大略。安胃丸椒梅湯送。

鮑姬 風泄已止。胃逆不納食。

人參

川連

烏梅

木瓜

川斛

橘紅

朱氏 嗔怒動肝氣。逆惡心胸脇閃動。氣下墜欲便是中下。

二焦損傷不復。約束之司失職。擬進培土泄木法。亦暫時之計。

烏梅

乾薑

川連

川椒

人參

茯苓

川棟

生白芍

王氏寡居多鬱。宿病在肝。適日暑邪深入。肝病必來犯胃。吐衄下利得止。不思穀食。心中疼熱。仍是肝胃本症。况暑濕多傷氣分。人參輔胃開痞。扶胃有益。幸無忽致疲可也。

人參

川連

半夏

薑汁

枳實

牡蠣

又胃開思食。仍以制肝和胃。

人參

金石斛

半夏

枳實

茯苓

橘紅

呂氏季脇之傍。是虛里穴。今跳躍如梭。乃陽明絡空也。况衝脈卽血海。亦屬陽明所管。經行後而病忽變。前案申說已著。茲不復贅。大凡絡虛通補最宜。身前衝氣欲脹。衝脈所主病。內經所謂男子內結七疝。女子帶下瘕聚。今也痛無形象。諒無結聚。祇以冷汗附寒。食入惡心。鼻準明環。口色青肝胃相對。一勝必一負。今日議理陽明之陽。佐以宣通奇脈。仲景於動氣一篇。都從陽微起見。



做以為法

人參

茯苓

淡熟附子

生蘄艾

桂枝木

炒黑大茴

紫石英

生杜仲

朱氏

上冬用溫通奇經帶止經轉兩月間納穀神安今二

月初二日偶涉嘔忿即麻痺乾嘔耳聾隨即昏迷如厥

診脈寸強尺弱食減少口味淡微汗此厥陰之陽化風

乘陽明上犯蒙昧清空法當和陽益胃治之

人參 一錢

茯苓 三錢

炒半夏 一錢半

生白芍 一錢

烏梅 七分

小川連 二分

淡生薑 二分

廣皮白 一錢

此厥陰陽明藥也胃腑以通為補故主之以大半夏

湯熱擁於上故少佐薑連以瀉心肝為剛臟參入白芍烏梅以柔之也

又 三月初五日經水不至腹中微痛右脇墜痛而動皆

陽明脈絡空虛衝任無貯當與通補入絡

人參 一錢

當歸 二錢

菟藟子 二錢

香附 一錢醋炒

茯苓 三錢

小茴 一錢

生杜仲 二錢

又 照方去菟藟杜仲白芍官桂

某氏 久有痛經氣血不甚流暢驟加暴怒傷肝少腹衝氣

上犯逆行於肺為欬寒熱聲嘎腸中拘急不飢不納乃

左升右降不司轉旋致失胃氣下行為順之旨故肝用

宜泄胃腑宜通為定例矣。

鈎藤

丹皮

桑葉

半夏麩

茯苓

廣皮白

又 威喜丸

唐

積勞內傷。腕悶脇脹。嘔吐格拒。眩暈不得臥。腸挾內風暴張。恐其忽然。瘳厥。議通胃平肝法。

小川連

薑汁

半夏

牡蠣

川棟子

生白芍

江

拒按為實。患目痛來屬肝痛。必多嘔。大便秘。瀉肝病及胃。當苦辛泄降。少佐酸味。

小川連

生淡乾薑

半夏

枳實



黃芩

生白芍

顧五陽明脈衰形寒痞飢不食心痛洞泄兼嘔

人參

芡苳

茯苓

半夏

生薑

炒黃粳米

此嘔吐之注方

某

勞怒傷陽氣逆血鬱致痛痞脹便溏風木侮土前方

既效與通補陽明厥陰

大半夏湯去蜜加桃仁柏子

仁當歸薑棗湯法九

某

脈微小弱是陽氣已衰今年太陰司天長夏熱泄氣

分不食不運味變酸苦脾胃先受困也稍涉嗔怒木乘

土中益加不安從東垣培土制木法

人參

廣皮

茯苓

益智

木瓜

淡薑渣

夏

通補陽明開泄厥陰

人參

半夏

茯苓

橘紅

吳萸

白芍

肝脾

汪氏

氣滯脾弱

逍遙散加鬱金砂仁末

肝脾胃

席

大便未結腹中猶痛食入有欲便之意胃陽未復肝

木因時令尙橫用泄木安土法

人參

木瓜

厚朴

茯苓

益智仁

青皮

江鎮衝任溫養下焦頗效。所議治嗽肺藥寒涼清火背

謬顯然

炒黑杞子 淡菴蓉 小茴香拌炒當歸

沙苑 石殼建蓮 茯神 紫石英煎湯煎藥

又動怒腕下痛不飲食是肝厥犯脾胃病外生枝最非

善調之理理氣皆破泄難用議進制肝木益胃土一法

人參 一錢 炒焦白芍 一錢 真柳南香 汁沖五

炒焦烏梅 三分酸 泄肝陽 茯苓 五錢切小塊 化橘紅 五分宜

又 人參 嫩鈞藤 明天麻 化橘紅

炒烏梅肉 茯苓 伽南香



肝膽

朱 胃弱痰多補虛宜通肝陽易升左頰赤佐泄少陽

人參 炒半夏 茯苓 鈎藤

經霜桑葉 煨薑 南棗

脾

范 脾竅開舌舌出流涎為脾病剋脾者少陽膽木以養

脾泄膽治

人參 於朮 天麻 薑黃

桑葉 丹皮

某 補太陰泄少陽

人參 茯苓 焦朮 炙草

廣皮 白芍 炒丹皮 桑葉

又照方去甘草桑葉加木瓜

李<sup>五</sup>少陽木火犯太陰之土持齋淡薄中虛熱灼以補脾

和肝為久長調理四君子加芍芍桑葉丹皮

金能食運遲舌紋裂左頤肉腫不喜飲水太陰脾陽鬱

法當補土泄木。此症有火有痰有風不得用燥藥

於朮 茯苓 新會皮 炙草

煨益智 柴胡 丹皮 白芍

張<sup>二</sup>脈小弱。是陽虛體質由鬱勃內動少陽木火木犯太

陰脾土遂致寢食不適法當補土泄木

人參<sup>一錢</sup> 白朮<sup>一錢</sup> 半夏<sup>一錢</sup> 茯苓<sup>二錢</sup> 甘草<sup>五分</sup>

廣皮 一錢  
丹皮 三錢  
桑葉 一錢  
薑 一錢  
棗 二錢

肝爲風木之臟。又爲將軍之官。其性急而動。故肝臟之病。較之他臟爲多。而於婦女尤甚。肝病必犯土。是侮其所勝也。本臟現症。仲景云。厥陰之爲病。消渴。氣上撞心。心中疼熱。飢而不欲食。食則吐衄。下之利不止。又內經所載肝病。難以盡述。大凡其脈必弦。脇或脹。或疼。偏寒偏熱。先厥後熱。若一犯胃。則惡心乾嘔。脘痞不食。吐酸水涎沫。尅脾則腹脹。便或溏或不爽。肢冷肌麻。案中治法。有陰陽虛實之殊。略舉而敘述之。若肝陰胃陰未虧。肝陽亢逆犯胃。先生立法用藥。



則遠柔用剛泄肝如吳萸椒桂通胃如半夏薑汁薑  
附加益智枳朴等則兼運脾陽中虛必用人參故大  
半夏湯附子粳米湯進退黃連湯瀉心法治中法溫  
膽等湯是也若肝陰胃汁已虛木火熾盛風陽擾胃  
用藥忌剛用柔養肝則阿膠生地白芍麻仁木瓜養  
胃則人參麥冬知母粳米秫米等是也至於平治之  
法則剛柔寒熱兼用烏梅丸安胃丸逍遙散若四君  
六君異功戊己則必加泄肝之品用桑葉丹皮者先  
生云桑葉輕清清泄少陽之氣熱丹皮苦辛清泄肝  
膽之血熱用金鈴子散者川楝苦寒直泄肝陽延胡

專理氣滯血滯之痛。此皆案中細領也。余另分此一門者。因嘔吐不食。脇脹腕痞等恙。恐醫者但認爲脾胃之病。不知實由肝邪所致。故特爲揭出。以醒後人之目耳。且世人但知風勞臆膈爲四大重症。不知土敗木賊。肝氣日橫。脾胃日敗。延至不救者多矣。可不究心於此哉。華岫雲

諸案大抵皆胸痺痞滿及痰飲內蓄之症。治痞痺之方。最忌人參。而此欲其壯土以制木用者甚多。必有遺病。至於蓄痰症。全不齒及。尤屬辨症不清。其中精思巧意。中病處頗多。亦得失參半也。

# 腫脹

胃陽虛

其<sup>五</sup>一食穀不運。臏脹。嘔惡。大便不爽。脈弦色黃。此胃陽式微。升降失司。使然。法當溫通陽氣。

吳茱 八分

半夏 三錢

葶撥 一錢

淡乾薑 一錢

生薑汁 五分

廣皮白 半錢

方太燥

陳<sup>三</sup>八診脈右大而緩左如小數促。冬季寒熱身痛汗出。即解。自勞役飢飽。嗔怒之後。病勢日加。面浮足腫。呼吸皆喘。目淚鼻衄。臥著氣衝。欲起食納。留中不運。時序交夏。脾胃主候。靛色脈情形。中滿脹病。日來矣。蓋此症屬勞



論極明而方不  
中病本屬難治  
面浮足腫無川  
人參之理鎮氣  
滯痰養營利水  
庶幾近之

倦致損初病即在脾胃東垣云胃爲衛之本脾乃營之  
源臟腑受病營衛二氣晝夜循環失度爲寒爲熱原非  
瘧邪半表半裏之症斯時若有明眼必投建中而愈經  
言勞者溫之損者益之建中甘溫令脾胃清陽自立中  
原砥定無事更遷仲景亦謂男子脈大爲勞則知內經  
仲景東垣垂訓真規矩準繩至法且汗泄積勞都是陽  
傷醫藥辛走劫陽苦寒敗胃病人自述飲蔗卽中脘不  
舒頃之少腹急痛便稀其胃陽爲苦辛大傷明甚又述  
咳頻衝氣必自下上逆夫衝脈隸於陽明胃陽傷極中  
乏坐鎮之真氣衝脈動則諸脈交動濁陰散漫上布此

臥著欲起矣。愚非遙指其脹正合內經濁氣在上則生  
臏脹。太陰所至為臏脹相符也。昔有見痰休治痰見血  
休治血當以病因傳變推求故做此若此。

厚朴

杏仁

人參

茯苓

蜜煨薑

南棗

厚朴杏仁取其能降氣參苓薑棗取其建立胃中之  
清陽而和營衛也。

脾陽虛

吳二單脹溺少溫通願適當用太鹹沙丸一錢二分八服

某食下臏脹舌黃當治脾陽

生白朮一錢

廣皮一錢

茯苓三錢

厚朴一錢

木瓜 五分 淡附子 七分

徐九攻痞變成單脹脾陽傷極難治之症

生白朮 熟附子 茯苓 厚朴 生乾薑

錢 食入腹脹已五十日且痛必有形攻動頭中微痛夫

痞滿屬氣痛因氣滯二便既通其滯未必在乎腸胃從

太陰脾陽傷以辛溫開泄主之

桂枝 生白芍 淡乾薑 厚朴

又照方去白芍加生益智仁茯苓

楊十飲酒聚濕太陰脾陽受傷單單腹脹是濁陰之氣錮

結不宣通二便不爽治以健陽運濕



凡藥必有實劑  
一味溫補是益  
其病也內經云  
諸脹腹大皆屬  
于熱不可背也

生茅朮

草蓰

附子

廣皮

厚朴

茯苓

草撥

猪苓

三四食下臍脹便澹不爽肢木不仁此脾陽困頓不能默

運使然溫通中陽為主

白朮 三錢

附子 一錢

炮薑 一錢

桂枝木 一錢

茯苓 三錢

草撥 一錢

僧四俗語云膏梁無厭發癰疽淡泊不堪生腫脹今素有

腕痛氣逆嘔吐漸起腫脹乃太陰脾臟之陽受傷不司

鼓動運行陰土宜溫佐以制木治

生於朮

茯苓

廣皮

椒目

厚朴 益智仁 良薑

某七左脈弦脹滿不運便泄不爽當溫通脾陽

此通利湯

草果仁一錢 茯苓皮三錢 大腹皮三錢 廣皮一錢半

青支一錢 厚朴一錢半 木猪苓一錢半 椒目五分

吳寒熱傷中腹微滿舌白用治中法

人參 益智 廣皮 茯苓

澤瀉 金斛 木瓜

周五久嗽四年後失血乃久積勞傷酒肉不忌濕鬱脾陽

為脹問小洩僅通大便仍溏濁陰乘陽午後夜分尤劇

生於朮 熟附子

久嗽失血陰虛  
大傷豈可燥

陳五積勞脾陽傷食下脹足腫

生白朮

茯苓

熟附子

草菓仁

厚朴

廣皮

某

躬耕南畝曝於烈日漬於水土暑濕內蒸為瀉痢邪

去正傷臨晚跗腫腹滿乃脾陽已困諸氣不司運行濁

陰漸爾竊據內經病機諸濕腫滿皆屬於脾

生白朮

草菓

茯苓

厚朴

附子

澤瀉

鄒三

深秋霍亂轉筋必有暴冷傷及脾胃病機一十九條

河間皆謂熱亦屬偏見愈瀉愈脹豈是實症夫酒客之



濕皆脾胃陽微不運致濕邪凝聚氣壅成脹見脹滿徹  
投攻下不究致病之因故曰難調之症

生白朮

草菓

熟附子

厚朴

廣皮

茯苓

脾胃陽虛

陳四

苦寒多用胃陽久傷右脇痛嘔酸濁皆濁陰上干用

辛甘溫中補虛痛減病人述早上腹寬暮夜氣緊微硬  
大便不爽有單腹脹之憂

人參

生白朮

茯苓

肉桂

歸身

益智

廣皮

煨薑

趙五  
四胸腹脹滿久病痰多

生白朮二兩 茯苓二兩 厚朴一兩 肉桂五錢 薑汁九

本草云厚朴與白朮能治虛脹。倣潔古枳朮之意也。

佐茯苓通胃陽。肉桂入血絡則病邪可卻矣。

楊脈沉小。弦中年已後。陽氣不足。痰飲水寒。皆令逆趨。

致運納失和。漸有脹滿浮腫。法以辛溫宣通。以本病屬

脾胃耳。

人參一錢 茯苓三錢 白芍一錢 淡附子一錢 薑汁三分

倪二腹裏膨便不爽。臍陽不行。

生益智 茯苓 生穀芽 廣皮

砂仁殼 厚朴

又六腑不通爽凡濁味食物宜忌

雞肫皮 麥芽 山查 砂仁 陳香櫞

又脈沉小緩早食難化晚食夜脹大便不爽此脾陽久傷不司流行必以溫藥疎通忌食閉氣粘葷

生白朮 附子 厚朴 草菓

茯苓 廣皮白 檳榔汁

腎胃陽虛

浦四腎氣丸五苓散一攝少陰一通太陽濁泄瀉通腹滿

此是正治

日減不為錯悞但虛寒脹病而用溫補論正方非古人調劑必

是通法蓋通陽則濁陰不聚守補恐中焦易鈍喻氏謂

能變胃而不受胃變苟非純剛之藥曷勝其任議於暮



夜服玉壺丹五分晨進

人參

半夏

薑汁

茯苓

枳實

乾薑

陳六老人脾腎陽衰。午後暮夜陰氣用事。食納不適。腸鳴

臍脹。時泄。治法初宜剛劑。俾陰濁不僭陽。乃復辟。

人參一錢

淡附子一錢

淡乾薑八分

茯苓三錢

炒兔絲二錢

胡蘆巴一錢

脾腎陽虛

某三腫脹由足入腹。診脈細軟。不能運穀。當治少陰太陰。

生白朮

厚朴

茯苓

淡附子

腫脹

空

淡乾薑 草撥

馬六 暮食不化黎明痲泄乃內傷單脹之症脾腎之陽積

弱據理當用腎氣丸

顧三四 脈微而遲色衰萎黃蠟為介屬鹹寒沉降凡陽氣不

足者食之損陽其致病之由自試二次矣久利久泄古

云無不傷腎今浮腫漸起自下是水失火而敗若非煖

下徒見泄瀉有紅為脾胃濕熱必致中滿敗壞

見紅非宜

生茅朮

熟地炭

熟附子

淡乾薑

茯苓

車前

某

脾腎虛寒多瀉由秋冬不愈春木已動勢必尅土腹

滿小便不利。乃腫病之根。若不益火生土。日吃疲藥。焉能卻病。

人參

白朮

附子

生益智

兔絲子

茯苓

腎陽虛

姚四八據說情懷不適。因噴怒痰嗽。有血視。中年形瘠肉消。

漸漸腹脹。跗腫。下午漸甚。陽氣日奪。早服腎氣丸三錢。

晝服五苓散

不宜過藥

殷氏行動氣墜於下。臥著氣擁於上。此跗腫晝甚。頭脹夜

甚。總是中年陽微。最有腹大喘急之事。濟生丸十服

某陽微陰結腫脹

陰虛

腫脹

卷



和肝胃不

附子

苡仁

白朮

木防己

澤瀉

細辛

朱

陽明胃逆厥陰來犯丹溪謂上升之氣自肝而出清

金開氣亦有制木之功能而痛脹稍緩議以溫膽加黃連方

半夏

茯苓

橘紅

枳實

竹茹

川連

生白芍

某二舌微黃瘦逆腕胸悉脹當和肝

桂枝木

乾薑

青皮

川棟子

炒半夏

秦 兩年初秋發。癆。脈絡氣血不為流行而腹滿重墜。臥則頗安。臍左動氣。臥則尤甚。吐冷沫。常覺冷氣。身麻語塞。肝風日熾。疎泄失職。經以肝病吐涎沫。木侮土位。自多臘脹。丹溪云。自覺冷者非真冷也。兩次潰瘍之後。剛燥熱藥似難進。商議以宣通肝胃為治。有年久恙。貴乎平淡矣。

木切藥用印法

雲茯苓 三錢 三角胡麻 搗碎滾水洗 十次三錢 厚橘紅 一錢

嫩鈎藤 一錢 熟半夏 炒黃一錢半 白旋覆花 一錢

瀘清服一杯 四帖

又 接服大半夏湯

腫痛 奎

肝鬱犯胃兼渴

熟半夏

炒二錢半

雲苓

小塊五錢

薑汁

調服四分

人參

同煎一錢

方五九

診脈百至。右緩濇。左弦勁。始而腸鳴泄氣。由漸腹滿。臞脹。納食幾廢。便難溺少。此皆情懷少曠。清氣不轉。肝

木侵侮胃土。腑陽窒塞。脹滿日甚。據云。先因胃脘心下痛症。氣鬱顯然。非旦晚圖功之象。議河間分消法。

杏仁

厚朴

海金沙

陳香絲

鬱金

藜蘆子

木通

雞肫皮

王三

食入不運。脘中臞脹。病由悒鬱。經年不愈。視色黃形

瘦。按脈小而濇。喜涼飲。欲惡熱。大便未經通調。九竅不

和。皆胃病矣。



川連

雞肫皮

枳實

廣皮

桔梗

瓜蒌實

半夏

萊菔子

鬱金

杏仁

薑汁竹瀝丸

楊十<sup>四</sup>肝鬱乘胃為脹經年內結有形用緩消一法

生茅朮

雞肫皮

川連

生厚朴

淡薑渣

針砂製

椒目湯法丸

畢

濕熱由腑滯及腸中大便不爽食人不適平昔肝木

易動厥陰不主疎泄少腹形脹無非滯氣之壅久則疑

瘀日踞。小溫中丸三錢十服

程三脈右弦面黃腹滿按之漉漉有聲每大便先腹痛便

不能乾爽。此胃氣不降。陽氣自滯。由乎嗔怒不息。肝木橫逆。疎泄失司。臍脹之來。皆由乎此。議泄肝通腑濁宣。脹減之義。

杏仁

紫厚朴

猪苓

鬱金

椒目

檳榔汁

接服小溫中丸

某

五

不飢不運。少腹胃脘悉滿。診脈左弦。乃肝木犯胃。二

腑不主流行。濁陰漸次瀰漫。他日單脹之作。竟有難以杜患者。速速戒惱怒。安閑自在。誠治斯疾之良圖。

小溫中丸一錢五分。開水送下。

夏

夏四月脾胃主氣。嗔怒拂鬱。無不動肝。肝木侮土。而

極是乃常自  
此戒何也

脾胃受傷鬱久氣不轉舒聚而為熱乃壯火害氣宜乎  
減食臏脹矣當作木土之鬱調治桂附助熱莫地滋滯  
鬱熱益深是速增其病矣

鈎藤

丹皮

黑山梔

川連

青皮子

紫厚朴

萊菔子

廣皮白

薄荷梗

又

脹勢已緩脈來弦實此濕熱猶未盡去必淡泊食物

清肅胃口以清滲利水之劑服五六日再議

猪苓

澤瀉

通草

海金沙

金銀花

茯苓皮

黑櫓豆皮

又

診脈浮中沉來去不為流利氣阻濕鬱膠痰內著議

臨登指南醫案

腫脹

卷



用控涎丹六分緩攻

又服控涎丹大便通而不爽診右脈弦實目黃舌燥中焦濕熱不行因久病神倦不敢過攻議用丹溪小溫中丸每服三錢乃泄肝通胃以緩治其脹

謝形神勞煩陽傷腑氣不通疝瘕陰濁從厥陰乘犯陽明胃為陰濁蒙閉腸中氣窒日甚年前邪勢頗緩宣絡可效今閉錮全是濁陰若非辛雄剛劑何以直突重圍脹滿日增人力難施矣

此非大熱之藥可治當消其滯

生炮川烏頭 生淡川附子 淡乾薑 淡吳萸

川棟子 小茴香 豬膽汁

唐氏

紫苑

杏仁

通草

鬱金

黑山梔

又三焦不通。腕痺腹脹。二便皆秘。前方用開手太陰肺。苦辛潤降。小溲得利。兼進小溫中丸。泄肝平胃。脹勢什減。有五。但間日寒熱復來。必是內鬱之氣。陽不條達。多寒戰慄。議用四逆散和解。其小溫中丸仍用。

生白芍

枳實

柴胡

黃芩

半夏

杏仁

竹茹

生薑

張 娠 腹臑臏脹。大便不爽。得煖氣稍快。乃陽氣不主流行。

蓋六腑屬陽。以通為補。春木地氣來升。土中最畏木乘。勢猖熾。治當泄木安土。用丹溪小溫中丸。每服三錢。

臨登百有醫案 卷三 腫脹 矣

肝犯胃  
陽虛

張氏

用鎮肝逆理胃虛方法。脈形小弱吐涎沫甚多。仍不  
納穀。周身寒凜。四肢微冷。皆胃中無陽。濁上僭竅。而為  
臏脹。所謂食不得入。是無火也。

人參

吳萸

乾薑

附子

川連

茯苓

木鬱氣  
滯血滯

丁三、嗔、怒、氣、血、逆、亂、右、脇、不、和、夜、食、噎、噎、臏、脹、乃、肝、胃、病。  
治以解鬱宣通氣血。

鈎藤

丹皮

桑葉

生香附

茯苓

神麴

降香木

炒黑查肉

徐

平素肝氣不和。脇肋少腹臏脹。氣血不調。痰飲漸聚。



厥陰陽明同治。

桃仁 延胡 歸尾 小茴 香附

半夏 茯苓 橘紅 神麩

馬三脈實久病痰熱在血胸不爽小腹墜能食不渴二便  
瀉少兩進苦苦宜臍病未能卻此屬血病用通幽法。

桃仁 郁李仁 歸尾 小茴 紅花

製大黃 桂枝 川棟子

又 晝日氣墜少腹夜臥不覺甚則頭昏胸悶今年五月  
初用疎滯繼通三焦續進通幽其墜脹仍若議辛香流  
氣法。

臨登... 腫脹... 究

川棟子

延胡

小茴

黑山梔

青木香

橘核

生香附磨汁法丸

董

初因下血轉痢繼而大便秘艱自左脇下有形漸致

痰積成痞

脹大堅滿小便自利病在血分久病兩年形瘦氣短不

敢峻攻若五積成例議用古禹餘糧丸每日一錢

鄭

得食腹痛上及心胸下攻少腹甚至筋脹擾於周身

并有痰積

經絡之間大便欲解不通暢此乃腸胃氣阻故痛隨利

減神保丸一錢

肝鬱  
脾

張

脈左弦右浮濇始因脘痛貫脇繼則腹大高凸納食

減少難運二便艱澇不爽此乃有年操持勞慮太甚肝

木拂鬱脾土自困。清濁混淆。脹勢乃成。蓋臟真日瀉。腑陽不運。考古治脹名家。必以通陽為務。若滋陰柔藥。微加桂附。疑陰沍濁。豈是良法。議用局方禹糧丸。煖其水臟。攻其穢濁。俟有小效。兼進通陽。剛補是為虛症內傷。脹滿治法。至於攻瀉劫奪。都為有形而設。與無形氣傷之症不同也。局方禹餘糧丸。

肝犯脾胃

陳姬久鬱傷及脾胃之陽。面無華色。納粥欲嘔。大便溏泄。氣陷則耐腫。氣呆則腕悶。有中滿之憂。用治中法。

人參

生益智

煨薑

茯苓

木瓜

炒廣皮



肝脾不和  
和夾暑邪

程文脈數惡心腕脹

炒半夏

廣皮

藿香

黃連一分  
煎水拌

茯苓

鬱金

又

暑傷脾胃則肝木犯土左腹膨泄瀉

人參

厚朴

廣皮

炒澤瀉

茯苓

木瓜

炙草

炒查肉

又

人參

炒柴胡

炒白芍

炒黃芩

茯苓

炙草

生薑

大棗

木火犯土

宋

食入腕脹此屬胃病視色蒼形瘦自述飲酒嘔吐而得又述耳鳴肉瞶是木火犯中鬱勃病甚議用逍遙減

白朮合左金方。

朱三四療癰馬刀。都是肝膽為病。病久延及脾胃。腹滿便瀉。舌黃微渴。非溫補可服。泄木火以疎之。和脾胃以調之。冀其脹勢稍減。

吳萸拌川連

生於朮

川棟子

炒山查

黑山梔

厚朴

青皮

椒目

唐女

氣臟三年。近日跌仆嘔吐。因驚氣火更逆。胸臆填塞。

脹滿二便皆通。自非質滯喜涼飲。面起瘡癩。從病能篇。

驟脹屬熱。

川連

淡黃芩

半夏

枳實

肝犯脾  
胃陽虛  
有濕

乾薑

生白芍

鐵鑄針

顏六今年風木加臨太陰陽明不及遂為臌脹小便不利

兩跗皆腫大便瀼滯治在臍陽用分消湯方

生於朮

茯苓

澤瀉

猪苓

厚朴

椒目

海金沙湯煎

吳天金歲厥陰司天加臨驚蟄節病腹滿喘促肢腫面浮

寒熱汗出皆木乘土位清陽不得舒展濁氣痞塞僭踞

故泄氣少寬姑擬通臍以泄濁

生於朮

茯苓

椒目

紫厚朴

澤瀉

淡薑渣



朱四鬱勃久坐中焦不運寒熱小洩不通腹膨脹滿脈小

而濇全是腑陽失司與泄木通腑分消法

四苓加椒目厚朴大腹皮青皮

陳

壯盛年歲形消色奪診脈右小促左小弦勁病起上

用脾不和清陽痺結

年秋季腕中卒痛有形梗突病後陡遇驚觸漸次食減

不適食入不運停畱上腕腹形脹滿甚則脇肋皆脹四

肢不煖暮夜漸溫大便旬日始通便後必帶血出清早

未食自按臍上氣海有痕形甚小按之微痛身動飲水

寂然無踪天氣稍冷爪甲色紫細推病屬肝脾氣血不

通則為鬱遏久則陽微痺結上下不行有若否卦之義

閱醫藥或消或補總不見效者未知通陽之與耳

薤白 桂枝 瓜蒌仁 生薑

半夏 茯苓

又 薤白汁 桂枝木 瓜蒌實 川棟子皮

半夏 茯苓 歸鬚 桃仁

延胡 薑汁 二汁法九

某 脹滿跗腫小洩短濇不利便泄不爽當開太陽為土。

濕濁疑 滯小洩 不行常 開太陽

五苓散加椒目。

某 六 少腹單脹二便通利稍舒顯是腑陽窒痺濁陰凝結

所致前法專治脾陽宜乎不應當開太陽為要

五苓散加椒目

鄭

兩投通裏竅法。痛脹頗減。無如陰陽不分。舌絳煩渴。不欲納穀。想太陽膀胱不開。陽明胃不司闔。法當仍與通陽腑為要。但五苓桂朮斷不適用。議用甘露飲意。

此方不外五苓法

猪苓

茯苓

澤瀉

寒水石

椒目

炒橘核

程

今年長夏久熱。熱勝陽氣外泄。水穀運遲。濕自內起。漸漸浮腫。從下及上。至於喘咳。不能臥息。都是濁水凝痰。阻遏肺氣下降之司。但小溲不利。太陽氣亦不通調。此雖陽虛症。若腎氣湯中奠地之酸膩力。難下行矣。



少時黃乾薑同  
止嘔之聖藥  
但于執症有

小兒另有治法

茯苓 桂枝木 杏仁 生白芍

乾薑 五味 生牡蠣 澤瀉

馬五初起胸痺嘔吐入夏跗臑少腹悉腫食穀不運洩短  
不利此陽氣式微水穀之濕內蘊致升降之機失司當  
開太陽姑走濕邪

猪苓 三錢 桂枝木 八分 茯苓皮 三錢 澤瀉 一錢

防己 一錢 厚朴 一錢 四帖

邱六六齡穉年夏至濕熱外薄所食水穀之氣蒸為濕滯  
阻遏氣機脾不轉運水道不通腹笥滿脹幼科但知消  
導不曉通腑泄濕致脾氣大困泄瀉不分陰陽參苓之

補僅救消滌之害。不能卻除濕滯。故雖受無益於病。病根都在中宮。泄肝以安胃。分利以通腑。必得小溲頻利。冀有中竅之機。

當用末藥以漸消之

猪苓 澤瀉 海金沙 通草 椒目

濕壅三  
靠肺氣  
不降

吳

平昔濕痰阻氣為喘。茲因過食停滯。陰臟之陽不運。

陽腑之氣不通。二便不爽。跗腫腹滿。診脈沉弦。猶是水

寒痰滯阻。遏氣分上下。皆不通調。當從三焦分治。頃見

此味並不升少

案頭一方用免絲子升少陰。吳茱萸泄厥陰。不知作何

解釋。不敢附和。仍用河間分消定議。

大杏仁 菘菔子 猪苓 澤瀉 葶藶子

五... 腫脹

厚朴 桑白皮 廣皮 細木通

又三焦分消。泄肝通腑。二便不爽。如昔診脈浮小帶促。聞聲呼息不利。是氣分在上結阻。以致中下不通。喘脹要旨。開鬼門以取汗。潔淨腑以利水。無非宣通表裏。務在治病源頭。據脈症參詳。急急開上為法。合金匱風水反登義矣。

麻黃 杏仁 石膏 甘草 苡仁

朱初因面腫邪干陽位。氣壅不通。二便皆少。桂附不應。即與導滯。滯屬有質。濕熱無形。入肺為喘。乘脾為脹。六腑開合皆廢。便不通爽。淺短渾濁。時或點滴。視其舌絳。



喘脹此方甚合  
足見心思靈巧  
如此等治法真  
可編入醫案其  
重複套大半可  
刪

口渴。腑病背脹。臟病腹滿。更兼倚倒左右。腫脹隨著處。為甚。其濕熱布散三焦。明眼難以決勝矣。經云從上之下者治其上。又云從上之下。而甚於下者。必先治其上。而後治其下。此症逆亂紛更。全無頭緒。皆不辨有形無形之誤。姑以清肅上焦為先。

飛滑石 一錢

大杏仁

去皮尖  
十粒

生苡仁 三錢

白通草 一錢

鮮枇杷葉

刷淨毛去筋手  
內揉栗三錢

茯苓皮 三錢

淡豆豉 一錢

黑山梔殼

一錢

急火煎五分服

此手太陰肺經藥也。肺氣窒塞當降不降。杏仁微苦。則能降滑石甘涼滲濕解熱。苡仁通草淡而滲氣分。

枇杷葉辛涼能開肺氣。茯苓用皮。謂諸皮皆涼。梔鼓  
宣其陳腐鬱結。凡此氣味俱薄。為上焦藥。倣齊之才  
輕可去實之義。

某  
暴腫氣急。小溲濇少。此外邪壅肺氣。分不通。治當從  
風水皮水。宜其經隧。以能食能寢為佳。勿得誅伐無過  
之地。

前胡 蜜炙麻黃 牛蒡子 薑皮

紫苑 杏仁 茯苓皮 廣皮

下焦寒  
濕流經

王  
脾尻微腫。小腿下臃腫甚。乃腑陽不行。病甚於暮。宜

辛香通其經腑之鬱。

生於朮

炮川烏

北細辛

茯苓

漢防己

川獨活

又

中滿用餘糧丸獲效得煖下泄濁之力腹脹已去而  
髀尻足跗肌肉腫浮夫臟寒生滿病煖水臟之陽培火  
生土是法究竟陽未全復四末流行未布前議幽香通  
其下焦經脈果得腫減議用加味活絡丹

炮川烏

乾地龍

乳香

沒藥

北細辛

桂枝木

用油松節三兩酒水各半煎汁法丸

汪

腫自下起脹及心胸遍身肌膚赤癢溺無便滑濕熱  
蓄水橫瀆經隧氣機閉塞呻吟喘急濕本陰邪下焦先

濕熱塞  
塞經隧

痛登首兩臂

腫脹

其



受醫用桂附莖朮邪蘊化熱充斥三焦以致日加凶危也。  
此危病也無治法

川通草一錢半 海金沙五錢 黃柏皮一錢半 木猪苓三錢

生赤豆皮一錢半 真北細辛一分

又煎法腫消三四仍以分消

川白通草 猪苓 海金沙 生赤豆皮

葶藶子 茯苓皮 晚蠶沙

又問日寒戰發熱渴飲此為瘧乃病上加病飲水結聚下痛脹不敢用涌吐之法暫與開肺氣壅遏一法

大杏仁 蜜炒麻黃 石膏 此方無語

每每名言此老  
 有時與此相背  
 不知何故  
 腹滿等病必須  
 有出路古人兼  
 以針刺為治但  
 其道甚微不知  
 其理而發針之  
 反有大害

又濕邪留飲發紅瘰胸聚濁痰消渴未已用木防己湯。

木防己一錢

石膏三錢

杏仁三錢

薏仁二錢

飛滑石一錢半

寒水石一錢半

通草煎湯代水

陳

進神芎導水丸二日所下皆粘膩黃濁形色余前議

腑氣窒塞水濕粘滯濁攻犯肺為痰嗽水漬脈隧為浮

腫大凡經脈六腑之病總以宣通為是內經云六腑以

通為補今醫不分臟腑經絡必曰參朮是補豈為明理

然肢節足跗之濕出路無由必鍼刺以決其流此內外

冀可皆安戊己丸三錢用二日後再進前藥一服。

薛九腹滿下至少腹三陰都已受傷而周身疥瘡數年不

薛九腹滿下至少腹三陰都已受傷而周身疥瘡數年不

生

斷脈絡中必有濕熱。就腹痛泄瀉。膈腸不通。不獨偏熱

偏寒之治。常用四苓散。

此方全無毒藥

常用瘡癤治法

猪苓 三錢 茯苓 三錢 澤瀉 一錢 生於朮 一錢 椒目 五分

濕熱脚氣

倪。濕熱脚氣。上攻心胸。腕中滿脹。嘔逆。乃濕上甚為熱。

化與苦辛先平在上之滿脹。用瀉心法。

川連 黃芩 枳實 半夏

再加板榔汁尤妙

薑汁 杏仁

濕鬱瘡

湯 囊腫腹脹。此屬瘡蟲。

此非疥癩。治法不同。如入毒藥赤豆銀花等藥。則得之矣。

茯苓皮 海金沙 白通草 大腹皮絨

厚朴 廣皮 猪苓 澤瀉



木火入絡

某三性躁。氣有餘便是火。肝膽中木火入絡。成形為脹。便

溺皆赤。喉痛聲嘶。痰血肝病。過膈犯肺。久延為單腹脹。

難治。小溫中丸三錢。

氣逆入絡

吳五氣逆。腹脹汨汨有聲。已屬絡病。難除病根。

老蘇梗

生香附

厚朴

白蔻仁

土瓜萋

桔梗

枳殼

黑山梔

陽虛單脹濁陰凝滯

汪

脈右濇左弱。面黃瘦露筋。乃積勞憂思傷陽。濁陰起

於少腹。漸至盤踞中宮。甚則妨食嘔吐。皆單鼓脹之象。

大著。調治最難。欲驅陰濁。急急通陽。

乾薑

附子

猪苓

澤瀉

椒目

又 通太陽之裏。驅其濁陰。已得脹減。嘔緩。知身中真陽。向為羣藥大傷。議以護陽。兼以泄濁法。

人參 塊茯苓 生乾薑 淡附子 澤瀉

又 陰濁盤踞中土。清陽蒙閉。腹滿臍脹。氣逆腹痛。皆陽

氣不得宣通。濁陰不能下走。擬進白通法。

此為救之方。緩劑不用。此症本屬不治。用藥議也。

生乾薑 生炮附子 沖猪膽汁

黃三停滯單脹。並不渴飲。晝則便利。不爽。夜則小溲略通。

此由氣分鬱痺。致中焦不運。先用大針砂丸。每服一錢。

五分。煖其水臍。以泄濁。

某 向有宿痞。夏至節一陰來復。連次夢遺。遂腹形堅大。

二便或通或閉。是時右膝癱腫潰瘍。未必非濕熱蘊阻。經絡所致。診脈左小弱。右緩大。面色青減。鼻準明亮。納食必腹脹愈加。四肢惡冷。熱自裏升。甚則衄血牙宣。全是身中氣血交結。固非積聚停水之脹。考古人於脹症。以分清氣血為主。止痛務在宣通。要知攻下皆為通腑。溫補乃護陽。以宣通。今者單單腹脹。當以脾胃為病藪。太陰不運。陽明愈鈍。議以緩攻一法。此亦敗症不治。

川桂枝

一錢

熟大黃

一錢

生白芍

半錢

厚朴

一錢

枳實

一錢

淡生乾薑

一錢

三帖

又診脈細小。右微促。畏寒甚。右脇中氣觸入小腹著臥。



即有形。壓著。議用局方禹餘糧丸。煖水臙以通陽氣。

早晚各服一錢流水送八服

又脈入尺。弦勝於數。元海陽虛。是病之本。肝失疎泄。以致臙脹。是病之標。當朝用玉壺丹。午用疎肝實脾利水。分消太陽太陰之邪。

紫厚朴炒一錢半 縮砂仁炒研一錢 生於朮二錢 猪苓一錢

茯苓塊三錢 澤瀉一錢

又脈弦數。手足畏冷。心中兀兀。中氣已虛。且服小鍼砂丸。每服八十粒。開水送二服。以後藥壓之。

生於朮 雲茯苓 廣皮 煎湯一小杯後服

又脈如瀉。凡陽氣動則遺。右脇汨汨有聲。墜入少腹。可知腫脹非陽道不利。是陰道實。水穀之濕熱不化也。議用牡蠣澤瀉散。

左牡蠣四錢澤瀉一錢

花粉半錢川桂枝木五分

茯苓三錢化氣紫厚朴一錢午服

又脈數實惡水。午後手足畏冷。陽明中虛。水氣聚而為飲也。以苓桂朮甘湯劫飲。牡蠣澤瀉散止遺逐水。

照前方去花粉加生於朮三錢

又手足畏冷。不喜飲水。右脇汨汨有聲。下墜少腹。脈雖數而右大左弦。信是陽明中虛。當用人參熟附生薑溫

經補虛之法。但因欲回府調理數日。方中未便加減。且用前方調治太陽太陰。

生於朮 三錢 左牡蠣 生四錢 澤瀉 炒一錢 雲苓 三錢

生益智 四分 桂枝木 四分 炒厚朴 一錢 午後食遠服

朝服小溫中丸五十粒開水送仍用三味煎湯壓之

脾胃氣窒不和 楊六味過辛酸脾胃氣傷結聚食入則脹滿曾服礞石大

黃丸滯濁既下不愈病不在平腸中前賢治脹治滿必曰分消攻有形不效自屬氣聚為瘕疎胃宜清調脾當暖此宗前賢立法。

生茅朮 廣皮 丁香皮 黃柏 草豆蔻

脹俱在腸外  
無膈膜之間



脹滿之為病。即使正虛終屬邪實。古人慎用補法。又脹必有濕。濕則有熱。內經所以指為熱症。今多用溫補之藥。內雖有通利之品。而臣不勝主。貽誤必多。細閱諸案。愚愈者少。而不治者多也。脹滿必有有形之物。宜緩緩下之。

川黃連

厚朴

茯苓

澤瀉

水法丸

腫脹證大約腫本乎水。脹由乎氣。腫分陽水陰水。其有因風因濕因氣因熱外來者為有餘。即為陽水。因於大病後因脾肺虛弱不能通調水道。因心火剋金。肺不能生腎水。以致小便不利。因腎經陰虧虛火爍肺。金而湯少。誤用行氣分利之劑。漸至喘急痰盛。小水短赤。釀成腫證。內發者為不足。即為陰水。若脹病之因更多。所脹之位各異。或因濕因鬱。因寒因熱。因氣因血。因痰因積。因蟲。皆可為脹。或在臟在腑。在脈絡。在皮膚。在身之上。下。表裏皆能作脹。更或始因於

寒久鬱爲熱。或始爲熱中。末傳寒中。且也。脹不必兼  
腫。而腫則必兼脹。亦有腫脹同時並至者。其病形變  
幻不一。其病機之參伍錯綜。更難敘述。故案中諸症。  
有濕在下者。用分利。有濕在上中下者。用分消。有濕  
而著裏者。用五苓散。通達膀胱。有濕鬱熱兼者。用半  
夏瀉心法。苦辛通降。有濕熱氣鬱積者。用雞金散。加  
減消利並行。有氣血鬱積。夾濕熱之邪。久留不散  
者。用小溫中丸。清理相火。健運中州。有濕熱與水寒  
之氣交橫。氣喘溺少。通身腫脹者。用禹餘糧丸。崇土  
制水。煖下泄濁。有寒濕在乎氣分。則用薑附有寒濕。

入於血分。則用桂附。有濕上甚爲熱。則用麻杏膏。莖  
等味。清肅上焦之氣。有濕下著爲痺。則用加味活絡  
等劑。宜通下焦之鬱。有藉乎薤白瓜蒌者。滑潤氣機  
之痺。結於腹脇也。有藉乎製黃歸尾者。搜逐血沫之  
凝。滯於經隧也。有藉乎玉壺控涎神芎者。視其  
或輕或重之痰。飲水積而驅之也。此皆未損夫臟氣。  
而第在腑之上下膜之表裏者也。若有胃陽虛者。參  
苓必進。脾陽衰者。朮附必投。更有傷及乎腎者。則又  
需加味。大味濟生等丸矣。其他如養陽明之大半夏  
湯。疎厥陰之逍遙散。蓋由證之牽連而及。是又案中



法外之法也已 姚亦陶

*[Faint, illegible text, likely bleed-through from the reverse side of the page]*